

摘藻堂四庫全書薈要

史部

欽定四庫全書薈要

史部

御定資治通鑑綱目三編


上諭  
卷一

詳校官編修臣汪鏞



乾隆四十年五月十五日內閣奉

上諭前曾命倣朱子通鑑綱目體例纂為明紀綱目刊  
行已久茲披閱葉向高集見其論福藩田土疏所叙

日旨意云養贍地土原給四萬頃卿等屢奏地土  
難以湊處王亦見辭今減去二萬頃云云則福王當

日所得之田僅二萬頃今綱目載福王常洵之國條  
云賜莊田四萬頃中州腴土不足取山東湖廣田益  
之與向高有不合又所載青海朶顏等人名對音沿

用鄙字與今所定同文韵統音字及改正遼金元國  
語解未為畫一是張廷玉等原辦綱目惟務書法謹  
嚴而未暇考核精當尚不足以昭傳信著交軍機大  
臣即于方畧館將原書改纂以次進呈候朕親閱鑒  
定其原書着查繳欽此

乾隆四十年五月十八日內閣奉

上諭昨因明紀綱目考核未為精當命軍機大臣將原書另行改輯候朕鑒定因思綱目三編雖亦曾經披覽但從前所進呈之書朕鑒閱尚不及近時之詳審若通鑑輯覽一書其中體例書法皆朕親加折衷一本大公至正為可法則此次改編綱目自當倣照辦理又明史內於元時人地名對音訛舛譯字鄙俚尚沿舊時陋習如圖作為免之類既於字義無當而垂

之史冊殊不雅馴今遼金元史已命軍機大臣改正  
另刊明史乃本朝撰定之書豈轉可聽其訛謬現在  
改辦明紀綱目著將明史一併查改以昭傳信朕非  
于此等音譯字面有所偏袒蓋各國語音不同本難  
意存牽合即如滿洲蒙古文譯為漢文此音彼字兩  
不相涉乃見小無識之徒欲以音義之優劣強為分  
別軒輊實不值一噓朕每見法司爰書有以犯名書  
作惡劣字者輒令改寫而前此書回部者每加犬作

獨亦令將犬旁削去誠以此等無關褒貶而適形鄙  
俚實無足取况當海寓同文之世又豈可不務為公  
溥乎將此通諭知之所有原頒明史及綱目三編俟  
改正時並着查繳欽此

欽定四庫全書

上  
諸



御撰通鑑綱目三編原序

編年之書奚啻數十百家而必以朱子通鑑綱目為準  
通鑑綱目蓋祖述春秋之義雖取裁於司馬氏之書而  
明天統正人紀昭監戒著幾微得春秋大居正之意雖  
司馬氏有不能窺其藩籬者其他蓋不必指數矣嘗謂  
讀書立言之士論世為難非如朱子具格致誠正之功  
明治亂興衰之故其於筆削鮮有不任予奪之私失褒  
貶之公者自綱目成而義指正大條理精密後儒有所

依據踵而續之由宋迄元釐然方策至明代君臣事蹟  
編輯之難更倍于諸書蓋明史已成於百年之後而世  
變風漓記載失實若復遲待將何以繼續編而示來許  
爰亟命儒臣法朱子通鑑綱目義例增損編摩大書以  
提要分注以備言每一卷成呈覽朕於幾暇亦時御丹  
鉛為之叅定雖於天人一貫之精微未之能盡而惟是  
謹嚴之義守而弗失簡正之旨志而必勉書既成羣臣  
舉唐太宗之事為言勉從其請而為之序云

乾隆十一年夏四月朔御製

欽定四庫全書

原序

凡例

一綱目三編現在遵

旨照

御批通鑑輯覽改纂凡紀年系統諸大端及一切書法  
均應仰遵

筆削定例永示準繩至三編原本每年所列綱目不過  
數條而輯覽內條數較多于一代治忽所關更為  
明備自應將輯覽所增一併敬謹添輯

一查朱子綱目原有尹起莘發明劉友益書法及質實正誤附入各條綱目之下明代所修續綱目內亦有發明廣義諸條皆所以推闡大義考證故實足為本書羽翼而綱目三編內從前未經辨及現在御批通鑑輯覽俱仰稟

睿裁大旨微言昭揭星日臣等遵照改輯自應于特筆所在各倣照前例恭加發明詳悉闡繹庶

袞鉞謹嚴大公至正之意更足昭示萬世至其間姓名

爵里及輿地官制等類本文內未能該盡者並擬  
各加質實俾讀者開卷了然似于體例尤為周密  
一原書內如載福王之國撥給莊田四萬頃一條葉  
向高集內實作二萬頃仰蒙

聖明指示臣等因檢明史福王傳內詔賜莊田四萬頃  
句下有所司力爭常洵亦奏辭得減半之文因原  
書採摘未全紀載遂致失實又福王傳于此條下  
尚有奏乞張居正沒產沿江洲稅四川茶銀淮揚

益引河南北齊楚間所至騷動等事必須連類並載足以見神宗寵溺失德之實而原書概行刊除亦不免過于簡畧今擬各條紀事俱將明史紀傳逐一參訂考核異同如有舛漏即行詳確改正其或有情事未能詳盡者亦各酌量添修務令首尾該具核實無訛庶足永稱傳信

一綱目三編內所有蒙古等人地官名之對音訛舛譯字鄙俚者均應倣照現辦遼金元國語解之例



譯改

一此次改編綱目折衷論定均仰荷

聖訓詳明應請恭錄前後

諭旨冠于簡端次列

御製原序庶俾辦理原委次第秩然



總裁纂修提調收掌諸臣職名

總裁

經筵日講起居注官

太子太保武英殿大學士管理吏部刑部三庫臣  
事務翰林院掌院學士教習庶吉士

舒赫德

經筵日講起居注官太子太保文華殿大學士管理戶部事務翰林院掌院學士等兼管都尉

于敏中

經筵講官

太子太保議奏 御前大臣領侍衛內大臣協辦大學士吏部尚書兼管戶部尚書理藩院尚書事務總理臣  
八旗府三旗官委臣管理武備院圓明園事務總管內務府大臣鑲黃旗滿洲都統世軍統領世襲等男

和珅

經筵講官太子少傅協辦大學士戶部尚書教習庶吉士

梁國治

經筵講官吏部右侍郎

彭元瑞

經筵講官刑部左侍郎

錢汝誠

纂修

日講起居注官文淵閣直閣事翰林院侍講學士今陞內閣學士兼禮部侍郎

臣

朱珪

日講起居注官翰林院編修今陞文淵閣直閣事詹事府詹事兼翰林院侍讀學士

臣

翁方綱

日講起居注官翰林院侍讀學士

臣

褚廷璋

文淵閣檢閱協辦內閣侍讀中書

臣

顧宗泰

內閣

中

書

臣

張姚成

音譯纂修

翰林院編修今陞淮徐道

臣

劉錫嘏

翰

林

院

編

修

臣

宋

銑

戶

部

主

事

臣

呈

麟

戶

部

主

事

臣

善

慶

理

藩

院

主

事

臣

巴達爾瑚

瑚

刑

部

筆

帖

式

臣

文

海

工

部

筆

帖

式

臣

齡

椿

大

理

寺

筆

帖

式

臣

馬廷模

模

提調

戶部銀庫員外郎今陞內閣學士兼禮部侍郎

臣

松筠

光祿寺卿今陞噶什喀爾都統

臣

保成

戶部陝西司主事今陞西安副都統

臣

敦倫泰

戶部銀庫員外郎今任兵部武選司員外郎

世襲一等輕車都尉公中佐領

臣

伊江阿

戶部江南司員外郎今陞山西道監察御史公中佐領

臣

舒瀛

都察院副都御史今任貴州布政使

臣

孫永清

原任鴻臚寺卿江西布政使

臣

馮應榴

戶部陝西司郎中今陞吏科給事中

臣

劉謹之

兵部武選司員外郎今陞江南道監察御史

臣

汪日章

收掌

戶部廣東司員外郎今陞江西贛州府知府

臣

富尼善

吏部文選司主事

臣

索明阿

理藩院主事

臣

台布

刑部浙江司員外郎今陞山西道監察御史

臣

吳熊光

工部都水司郎中

臣

蔣謝庭

吏部考功司員外郎

臣

程維岳

欽定四庫全書

八

職名



欽定四庫全書舊要

御定通鑑綱目三編

提要

臣等謹案

御定通鑑綱目三編四十卷乾隆四十年奉

勅撰初大學士張廷玉等奉

勅採明一代事迹撰通鑑綱目三編以續朱子及  
商輅之書然廷玉等惟以筆削褒貶求書法

之謹嚴於事迹多所挂漏又邊外諸部於人名地名多沿襲舊文無所考正尤不免於舛訛夫朱子劄例之初原以綱仿春秋目仿左傳春秋大義數十炳若日星然不詳核左傳之事迹於聖人予奪之旨尚終不可明況史籍編年僅標梗概於大書而不具始末於細注其是非得失又何自而知即

聖諭所指福藩田土一條其他條之疎略可以例

推譯語惟取對音原無意義而宋人好妄生  
穿鑿乖謬不經如趙元昊自稱兀卒即烏珠  
之轉音而宋人訛為吾祖遂以為元昊見侮  
又如蕭鷓已亦非漢名而宋人以對曾純甫  
借鷓鴣之音以為惡謔沿及明代此習未除  
如

聖諭所指朶顏青海諸人名書圖為兔之類亦往往  
而有鄙倍荒唐尤不可不亟為釐正是編仰

稟

審裁於大書體例皆遵

欽定通鑑輯覽而細注則詳核史傳補遺糾謬使  
端委秩然後各附發明以闡褒貶之義各增  
質實以資考證之功而譯語之誕妄者亦皆  
遵

欽定遼金元國語解一一改正以傳信訂訛較張  
廷玉等初編之本實倍為精密

聖人制事以至善為期義有未安不以已成之局  
而憚於改作此亦可仰窺萬一矣乾隆四十  
九年十一月恭校上

總纂官臣紀昀陸錫熊臣孫士毅

總校官臣陸費墀



欽定四庫全書薈要卷七千四百十三

史部

御定資治通鑑綱目三編卷一

起戊申元順帝至正二十八年明太祖

洪武元年盡壬子明太祖洪武五年

凡五年

戊元順帝至正二十八年是歲閏七月元  
申帝出奔以後為明太祖高皇帝洪武元年春正月吳

相國李善長等奉吳王朱元璋為皇帝國號明

元璋字國瑞先世家沛徙句容再徙泗州父世珍始  
徙濠之鍾離生四子元璋其季也母陳氏元天厯元  
年元璋生室中數有光此長姿貌雄傑志意廓然至  
正四年大饑疫時年十七父母兄繼歿無所依乃入  
皇覺寺為僧游食諸州復還寺是時元政不綱盜四  
起方國珍起海上劉福通奉韓山童起潁州徐壽輝

欽定四庫全書

卷一

三

起蘄水衆各數萬他盜擁兵據地寇掠甚衆十二年  
定遠人郭子興等起兵濠州元璋謁之子興奇其貌  
留為親兵戰輒勝妻以所撫馬氏女明年收里中兵  
得七百人子興署為鎮撫既而與所部將徐達湯和  
費聚等南畧定遠降驢牌寨民兵三千襲張知院於  
橫澗山收其卒二萬道遇李善長與語大悅留掌書  
記遂東攻滁州下之其年張士誠起高郵十五年子  
興遣張天祐等攻拔和州命元璋統諸將守其地未  
幾子興卒福通立山童子林兒于毫檄子興子天叙  
為都元帥元璋及天祐為左右副元帥元璋不受然  
以其勢方盛可倚藉乃用龍鳳年號以令軍中常遇  
春來歸遂渡江拔牛渚下太平十六年取集慶路改  
為應天府會池州已為壽輝將所據士誠自淮東陷  
平江諸路轉掠浙西元璋慮壽輝士誠強江左浙右  
諸郡遂為所併於是命將取鎮江廣德尋自稱吳國  
公次第畧定江左浙右士誠兵不得四出勢漸蹙而



壽輝將陳友諒日強二十年友諒弒壽輝僭偽號盡有江西湖廣地欲東取應天元璋患友諒與士誠合設計令其故人康茂才給友諒速來敗之於龍灣明年自將舟師征友諒敗之於江州克其城友諒奔武昌分徇南康建昌蘄黃廣濟皆下旋克撫州二十二年友諒偽丞相胡廷瑞以隆興降改為洪都府元帝遣使授元璋江西行省平章政事不受時林克虜為元帥所敗勢大窘二十三年士誠將呂珍圍林克虜於安豐破之殺福通元璋馳救擊走珍以林克虜歸居之滁州友諒大舉兵圍洪都元璋自將兵救之友諒撤圍逆戰於鄱陽湖屢敗中流矢死其將張定邊以友諒子理奔武昌二十四年元璋自立為吳王建百官復自將征理降之封為歸德侯又二年林克虜卒遂以明年為吳元年建廟社宮室祭告山川蓋至正二十六年也二十七年九月徐達克平江執士誠十月命達為大將軍常遇春副之率師二十五萬北定中原

十一月湯和克慶元方國珍遁入海十二月國珍降  
李善長率百官勸進乃以是年春正月乙亥祀天地  
於南郊即皇帝位定  
國號曰明建元洪武  
質實天致和元年九月文宗即位  
改為天曆元年至正元順帝年號龍鳳偽宋韓林兒年  
號沛縣秦置元屬濟州明屬徐州今屬徐州府句容漢  
縣元屬集慶路明屬應天府今屬江寧府泗州唐置元  
屬淮安路明屬鳳陽府今直隸州濠州隋置元改臨濠  
府尋復曰濠州明太祖吳元年復曰臨濠府洪武二年  
升為中都六年改中立府七年改鳳陽府今因之鍾離  
漢縣元濠州治明改臨淮縣屬鳳陽府今省皇覺寺在  
鳳陽府城北明曰龍興寺潁川後魏置元屬汝寧府明  
屬鳳陽府今升府蘄水唐縣元屬黃州路明屬黃州府  
定遠梁縣元屬濠州明屬鳳陽府今並因之橫澗山在  
定遠縣西北七十里滁州隋置元屬揚州路明直隸州  
高郵漢縣宋軍元路尋改府明為州屬揚州府和州北齊

屬廬州路明直隸州今皆因之亳州後周置元  
屬歸德府明屬鳳陽府今屬潁州府牛渚山北曰采  
石相去里許在當塗縣西北二十里太平宋周元路  
明改府今因之應天府元建康路文宗改集慶明初  
建都今江寧府北州唐置元路明改府平江隋蘇州  
宋平江軍尋升府元路明蘇州府鎮江宋府元路明  
初曰江淮府尋復曰鎮江府廣德晉縣宋置軍元路  
明初改府尋降直隸州今皆因之龍灣在上元縣西  
北十五里江州隋九江郡唐為江州明改九江府武  
昌三國吳郡元路明改府南康宋軍元路明改府建  
昌宋軍元路明初改肇昌府尋改建昌府蘄州後周  
置元路明初改府尋降州屬黃州府黃州府隋置元  
路明初改府今皆因之廣濟唐縣明屬蘄州州今屬  
黃州府撫州唐置元路明改府隆興漢豫章郡治  
南昌縣唐為洪州都督府南唐為南昌府宋改隆  
興府元路明改洪都府尋復為南昌府安豐隋壽

州宋壽春府乾道四年改安豐軍元路明復為壽春府尋降壽州屬鳳陽府今皆因之鄱陽湖即彭蠡湖在南昌縣東北百五十里慶元唐明州宋升慶元府元路明初為明州府尋改寧波府今因之南郊在上元縣東北南山之陽方國珍黃巖人劉福迪潁州人韓山童樂城人徐壽輝羅田人郭子興其先曹州人父郭公以日者術遊定遠遂家焉馬氏是為明孝慈高皇后宿州人徐達字天達湯和字鼎臣皆濠人費聚字子英五河人李善長字百室定遠人張士誠泰州人張天祐郭子興婦弟常遇春字伯仁懷遠人陳友諒沔陽人胡廷瑞沔陽人後易名美康茂才字壽卿蘄州人陳理友諒次子

發明

是年閏七月元順帝出居北漠明始一統故通鑑輯覽用朱子綱目歷朝嬗代一歲兩繫

例子是年分為二卷以昭正統之公今作明紀綱目專敘明一代事蹟故於歲首即書洪武紀年仍

列元至正於前雙行分注至洪武二年始大書  
標紀兩書體例雖有不同而史法之正則一也

## 追尊祖考為皇帝

高祖考曰元皇帝廟號德祖曾祖考曰恒皇帝廟號  
懿祖祖考曰裕皇帝廟號熙祖考曰淳皇帝廟號仁  
祖妣皆皇后詔製太質實高祖伯六曾祖四九祖初  
廟祭器如事生之儀一祖妣王氏太廟祭器如  
事生之儀按明史禮志宗廟祭器用銀以金塗之尋  
盡易以金酒壺孟觥每事皆八朱漆盤盃二百四十  
桴施枕篋筐筥  
幃幔浴室皆具

## 立妃馬氏為皇后世子標為皇太子

后仁慈有智鑒好書史當吳漢接境戰爭無虛日  
后手緝甲士衣履佐軍嘗言治天下以不殺人為本帝

善之既即位欲官后族謝曰爵祿私外家非法力辭而止乃追封后父馬公徐王修墓置廟標后長子也

質實

馬公逸其名后母鄭媼追封王夫人

# 以李善長為左丞相徐達為右丞相

善長有智計習法家言策事多中帝嘗問曰四方戰鬪何時定乎對曰漢高起布衣豁達大度知人善任不嗜殺人五載成帝業今元綱既紊天下土崩瓦解公濠庭距沛不遠山川王氣公當受之法其所為天下不足定也帝稱善諸將來歸者善長察其材言之帝復為帝布款誠使皆得自安帝深倚之自將征討皆命居守轉調兵餉無乏嘗請定鹽茶法斟酌元制去其弊用益饒而民不困帝稱吳王時拜右相國吳元年封宣國公十月命百官禮儀俱尚左改左相國而徐達為右至是詔以左丞相兼太子少師達年二

十二從帝與常遇春俱為軍鋒冠及為大將拔鎮江  
克常州寧國盡護諸將帝稱吳王為左相國克廬州  
平湖湘及淮南北拜大將軍征吳達與遇春約曰師  
入我營其左公營其右令將士曰掠民財毀民居離  
營二十里者斬既破平江執士誠吳人安堵如故封  
信國公長於謀畧所至不擾帝諭諸將御軍持重有  
紀律戰勝攻取得為將之體者莫如大將軍達北  
定中原齊地悉平至是為右丞相兼太子少傅  
**質** 鹽茶法按明史本紀至正二十一年春二月甲申  
立鹽茶課食貨志初立鹽法置局設官二十取一  
引茶百觔輸錢二百常川隋置州寧國唐置  
軍廬州隋置州元皆為路明政府今皆因之

## 庚寅彗星見

彗星見於昂畢

**質實**

元史順帝本紀明史天文志同志又云  
三月辛卯彗星出昂北大陵天船間長

八尺餘指文昌近五車四月巳酉沒  
於五車北按彗見除舊布新之象

# 征南將軍湯和克福建元平章陳友定死之

先是至正二十六年秋八月元以友定為福建平章  
盡有八閩之地帝命和由明州海道取福州胡美由  
江西取杉關而別遣使至延平招友定友定置酒會  
諸將殺使者漉血酒中與衆酌飲之誓以死守已聞  
杉關破急分軍為二以一軍守福而自帥一軍守延  
平和舟師抵福之五虎門蟻附登城守將遁參政尹  
克仁宣政使多爾瑪不屈死金院拜特穆爾殺妻妾  
二女縱火自焚死時胡美已克建寧和遂進攻延平  
友定欲以持久困之諸將請出戰不許數請不已友  
定疑之殺蕭院判軍士多出降者會軍器局灾城中  
礮聲震地明師知有變急攻之友定呼其屬與訣退  
入省堂仰藥死遠嚕噶齊巴哈瑪勒副樞陳英輔皆



自經死所部開門納明師弁友定出水東門未絕也  
天大雷雨友定復甦械送京師帝詰之友定厲聲曰國  
破家亡死耳尚何言遂併其子海殺之延平既下興  
化泉州皆望風附獨漳州路連噲噶齊德爾密實自  
殺時稱閩有三忠謂友定質實明州海道自府屬定  
拜特穆爾德爾密實也海縣沿海而南即取

福州之逕道福州唐置元路明府今因之杉關在邵  
武府光澤縣西北九十里西至江西建昌府百二十  
里延平元路明府今因之五虎門在福州府閩縣東  
百里海中五虎山下建寧宋府興化軍泉州漳州  
皆唐州元皆為路明改府今因之陳友定字安國福  
清人徙清流○多爾瑪舊作朶耳麻拜特穆爾瑪舊作  
柏帖木耳達噲噶齊官名首領也舊作達魯花赤巴  
哈瑪勒舊作白哈麻德爾密實舊作迭里彌實今並  
改

發明

按明史友定頗任威福有跋扈心漳州守將羅良責之怒竟以兵誅良而陳瑞孫孔楷詹

翰皆被殺威震八閩然事元未嘗失臣節歲輸粟數十萬石海道遼遠至者嘗十三四順帝嘉之卒能父子死義其功罪尚不相掩若庫庫特穆爾忽其削爵見討遂據太原殺官吏致敵人得以乘釁長驅其貽悞宗邦實甚雖元亡後未嘗不以興復為志崎嶇塞外百戰不屈明祖亦嘆為天下奇男子不可得而臣然其始之叛跡非晚節所能蓋固未可與友定相提而論矣

元削庫庫特穆爾爵邑命圖魯李思齊討之

元至正二十五年冬庫庫特穆爾受詔平江淮檄關中邠國公李思齊等會師思齊故與庫庫特穆爾之父累罕特穆爾同起義兵齒位相埒得檄大怒曰吾與若父交若髮未燥敢檄我耶令一騎母出關庫庫

庫庫特穆爾前  
與李思齊等兵  
運禍結尚屬私  
怨相尋至是則

竟入據太原盡  
殺朝廷所置官  
吏顯然相抗直  
是叛矣論者或  
謂庫庫特穆爾  
後此孤軍塞外  
猶然力戰不屈  
使得角遂中原  
國事尚未可知  
而歸其咎于太  
子挾嫌輕加削  
奪驅而為博囉  
特穆爾之續生  
致宗社淪亡其  
所以責太子者  
誠當然彼時明

特穆爾遂入關攻思齊等相持經年數百戰未能決  
元帝詔令罷兵專事江淮庫庫特穆爾不奉詔遣其  
驍將摩該趨河中欲出不意特穆爾翔覆思齊巢穴行  
至衛輝軍變摩該遂不聽庫庫特穆爾節制疏列其  
罪狀上之朝初元平章博囉之亂太子阿裕質哩達  
喇出奔太原欲用唐肅宗靈武故事自立庫庫特穆  
爾不可及博囉伏誅奉太子還京即元后諭令以重  
兵衛入城脅元帝禪位又不從由是太子深銜之而  
元帝亦心忌其跋扈會摩該奏至元帝乃削庫庫特  
穆爾太傅中書左丞相令以河南王就食邑分所部  
兵隸諸將太子開大撫軍院於京師總制天下兵馬  
專脩庫庫特穆爾庫庫特穆爾受詔退軍駐澤州其  
部將闕保亦自拔歸于朝元帝知其勢孤詔思齊等  
東出關與摩該合攻之而令闕保以兵戍太原庫庫  
特穆爾憤甚引兵據太原盡殺朝廷所置官吏於質  
是元帝下詔悉奪其爵邑全國嚙等四面進討

兵已盡有山東  
漸將由汴入陝  
即使庫庫特穆  
爾奮志勤王亦  
未必即能恢復  
疆宇中興社稷  
乃罔恤國家之  
患不禦外侮而  
轉成內訌累世  
忠勤至此而隳  
何其盛也

實

河中後周蒲州唐改河中府元屬晉寧路明復曰蒲州屬平陽府本朝雍正三年升直隸州六年

升府鳳翔唐郡尋改府金為鳳翔路治置總管府元至元九年更為散府明及今因之府輝周衛國地唐為衛州元置衛輝路明改府太原秦郡元冀寧路明改太原府今並因之澤州隋置元屬晉寧路明改直隸州本朝雍正六年升府庫庫特穆爾本王姓小字保保平章察罕時穆爾之甥養為子國魯陝西行省在丞相李思齊羅山人察罕特穆爾沈邱人庫特穆爾舊作察罕帖木兒摩該舊作額高博囉舊作李羅阿裕實哩達刺舊作愛猷識里達臘今並改

三月修女誠

帝謂翰林學士朱升等曰治天下者修身為本正家為先正家之道始於謹夫婦后雖母儀天下然不可

使預政事嬭嬭之屬不過備職事侍中櫛恩寵或過則驕恣犯分歷代政由內出鮮不為禍惟智者能察於未然其纂述女誡及古賢后妃  
事可為法者使子孫知所持守  
質實  
朱升字允升休寧人

## 夏四月蘄州進竹簞却之

命四方無

妄有獻

## 征南將軍廖永忠取廣東

永忠自福州以書諭元行省左丞何真真迎降永忠至廣州降盧左丞擒海寇邵宗愚斬之遣指揮使陸仲亨畧定清遠英德連州肇慶德慶馳諭海  
北海南諸道皆降安南聞風納款廣東悉平  
質實  
廣州  
三國吳置元路明府清遠縣梁置元明屬廣州府英德宋府元路尋降州明改縣屬韶州府今並因之連

州隋置元路尋復為州明屬廣州府今直隸州肇慶  
采府元路明府德慶宋府元路明改州屬肇慶府今  
並因之元海北海南道宣慰司治雷州明史六月海  
南淮北諸道降安南古交址地明史十二月國王陳  
日煚遣使朝貢廖永忠策人  
何真東莞人陸仲亨濠人

將軍徐達常遇春大破元兵於洛水北元梁王阿掄以

## 河南降

徐達下山東會遇春於濟寧引舟師沂河趨汴梁守  
將李克彛走左君弼珠占等降遂自虎牢關入元守  
將托音特穆爾以兵五萬陳洛水北遇春單騎突陣  
元兵二十餘騎攢槊刺之遇春一矢殪其前鋒大呼  
馳入元軍大潰追奔五十餘里梁王阿掄降嵩陝陳  
汝諸州次第畧定帝如汴梁改為開封府名徐達至

命率師北伐諭之曰中原之民久為羣雄所苦故命  
將北伐拯民水火元祖宗功德在人其子孫罔恤民  
隱天厭棄之君實有罪民則何辜前代革命之際肆  
行屠戮朕實不忍諸將毋肆焚掠妄殺人元之宗戚  
咸俾安全庶幾上答天心下慰質實洛水在洛陽縣  
民望遠頓首受命帝尋還應天南十五里濟寧  
元路明初改府洪武十八年改州屬兗州府今直隸  
州汴梁元改金汴京為汴梁路今仍開封府虎牢關  
在汜水縣西二里嵩州金置元屬南陽府明改縣屬  
河南府今因之陝州後魏置元明屬河南府今直隸  
州陳州周陳國後周置陳州元明屬開封府今升府  
汝州隋置元屬南陽府明改直隸州今因之阿掄察  
罕特穆爾之父○阿掄舊作阿魯溫珠占舊作  
竹貞托音特穆爾舊作脫因帖木兒今並改

# 都督同知馮勝克潼關

師取河南元李思齊及參政張思道合兵駐潼關火焚思道營思齊移軍葫蘆灘勝攻潼關守將迎戰破之遂奪關取華州思齊奔鳳翔思道奔廊城尋共推思齊為總兵會於鳳翔

**質實**

潼關在華陰縣

東四十里葫蘆灘在華陰縣渭水南華州後魏置元屬奉元路明屬西安府今屬同州府廊城隋郡元廊州屬延安路明屬西安府今直隸州馮勝定勝人初名國勝又名宗異最後名勝張思道元史作張良弼六月平章楊璟克廣西

璟攻永州守將鄧祖勝斂兵固守璟分營築壘造浮橋西江急攻之祖勝力盡仰藥死遂克永州以次定寶慶全州道州藍山諸州縣進攻靜江不下璟謂諸將曰彼所恃西濠水耳決其堤岸破之必矣乃遣將殺守堤兵盡決濠水築土陟五道傳城攻兩月會廖永忠及參政朱亮祖自廣東取梧州元吏部尚書布



延時穆爾戰死張翱赴水死定得貴鬱林亮祖以兵  
來會其總制張榮約降環與之白帽為識夜半從寶  
賈門入執元平章額爾吉納其都事趙元隆陳瑜劉  
永錫廉訪司僉事時穆爾布哈元帥約尼圖們萬戶  
董綽哈府判趙世傑皆自殺移師柳州降兩江土官  
黃英衍岑伯顏等永忠亦定南寧象州廣西悉平

**質實**

永州隋置寶慶宋府元皆為路明改府全州晉  
置元路明改州屬桂林府道州唐置元路明改

州屬永州府藍山縣唐置元屬桂陽路明屬桂陽州

靜江宋府元路明改桂林府梧州唐置元路明府潯

州唐置元路明府貴州唐置元州明改縣屬潯州府

今並因之鬱林漢郡元州明屬梧州府今直隸州柳

州隋置元路明直隸州南寧元路明府象州隋置元

州明屬柳州府今皆因之楊環合肥人朱亮祖六安

人額爾吉納唐古特人趙元隆字祖森興安人陳瑜

雷州人劉永錫湘潭人黃英衍左江太平府土官岑

伯顏右江田州府土官○布延特穆爾舊作普顏帖  
木兒額爾吉納舊作也兒吉尼特穆爾布哈舊作帖  
木兒不花約尼圖們舊作元禿  
蠻董緯哈舊作董丑漢今並改

秋閏七月元復庫庫特穆爾官爵命帥師會諸將復河  
洛

閩保摩該攻晉寧庫庫特穆爾與戰擒之以聞順帝  
詔可依單法處治遂皆殺之乃下詔歸罪於太子罷  
大撫軍院誅知院事已延特穆爾等命庫庫特穆爾  
仍前河南王左丞相統軍馬直抵彰德衛輝右丞相  
伊蘇由東道同圖魯李思齊四道進兵克復汴洛  
詔下而明兵已逼庫庫特穆爾自晉寧退守太原  
質  
實晉寧元路明改平陽府彰德五代晉置軍元路今並  
因之○已延特穆爾舊作伯顏帖木兒伊蘇舊作

也速今  
並改

癸明

庫庫特穆爾不從太子靈武之謀與奇后內  
禪之計反以致讒順帝不悟遂疑忌之削奪

環攻若拒大敵及其據太原殺官吏叛罪著矣乃  
受詔討罪者旋被執戮帝即報可何其辱也是時  
山東河南盡為明有詔書亟下而事已不可為  
矣刑賞予奪太阿倒持國之將亡又誰咎哉

徐達克通州元帝奔上都八月師入大都元監國淮王  
特穆爾布哈死之元亡

順帝出塞北去  
國未嘗失帝號  
而子孫相繼稱  
汗與明代相終  
始至我朝破察  
哈爾林丹汗而  
元始滅然史家  
于是年即大書

徐達帥師發開封遣裨將分道徇河北地連下衛輝  
彰德廣平次臨清使參政傅友德開陸道通步騎都  
督副使顧時浚河通州師會常遇春已克德州合兵  
取長蘆扼直沽作浮橋濟師水陸並進大敗元軍於

元亡以其失統系而遠避正也知此之為正則知宋亡而仍系是曷為正統之非正矣天命何常常于有德有天下者果能守其正系即一線僅延亦不可輕加以貶絕如宋高宗之遷臨安雖屬偏安尚未至于亡是也若宗社淪亡流離遁去即不得復

河西務進克通州知樞密院事布延特穆爾力戰被執死之元帝詔淮王特穆爾布哈監國以慶通為左丞相同守京師遂御清寧殿集三宮后妃皇太子議避兵北行左丞相寶勒們知樞密院事赫色宜者趙已延布哈以為不可帝不聽已延布哈慟哭曰天下者世祖之天下陛下當以死守奈何棄之臣等願率諸軍民及諸集賽岱等出城拒戰願陛下固守京城卒不聽丙寅夜半開健德門北去八月庚午達陳兵齊化門將士填濠登城入進王及左丞相慶通平章德爾畢實保賽音布哈右丞張康伯御史中丞穆辰等不降殺之餘不戮一人封府庫及國籍寶物全指揮張勝以兵千人守宮殿門使宦者護視宮人妃主禁士卒毋侵暴吏民安堵捷聞詔示天下以大都路為北平府置六衛留都督副使孫興祖守之右丞薛顥及傅友德等巡古北諸隘口元亡元翰林待制黃殷仕拔并死左丞丁敬可總管郭允中皆死之翰林學

存其統系如宋  
二王之居嶺海  
元順帝之居漠  
北是也進退予  
奪悉視其事以  
為衡豈可以殊  
中外而有所拘  
揚子其間前于  
宋末已著其說  
茲復引而申之  
使天下萬世知  
史法大公至當  
之理庶如此

明修元史全憑  
其十三朝實錄

士承旨危素趙報恩寺將入井寺僧大梓挽之曰公  
死是死國史也素遂止兵迫史庫素往告鎮撫吳勉

輦寶錄質實通州金置元屬大都路明屬順天府今  
而出之因之上都金桓州地元中統初建開平

府五年號為上都明初置開平衛在獨石口東北二  
百二十五里今多倫諾爾大都金燕京元至元九年

建為大都明建北京改順天府廣平漢國元路明府  
今皆因之臨清後魏置元縣屬濮州明屬東昌府後

改州今升直隸州德州隋置元治安德縣明移治陵  
縣以舊州地為陵縣屬濟南府今並因之長蘆北周

縣宋改鎮元遷滄州治此明置鹽運司在滄州西北  
今移駐天津直沽小直沽在今天津縣北大直沽在

縣東南十里河西務在今武清縣東北三十里健德  
門齊化門元至元四年於大都東北至京城方六十

里分十一門北之西曰健德東之右曰齊化六衛改  
飛熊衛為大興左衛淮安衛為大興右衛樂安衛為

即無危素亦何慮其散佚無存至于元統以後史所未備素果足資詢考何不聞就而訪其遺事仍待遣使分求足素于文獻皆無足徵徒歸寺僧之言以文其不死不深可賤乎藉云與史為存亡則史既成書即當舉程嬰之例捐軀明志以全臣節乃

燕山左衛濟寧衛為燕山右衛青州衛為永清左衛徐州五所為永清右衛古北口在密雲縣東北百二十里傳友德碣山人顧時字時舉濠人孫興祖濠人薛顯蕭人危素字太模金谿人入明授翰林侍講學士年已七十餘一日帝御東閣側室素行簾外履聲索索然帝問誰也對曰老臣危素帝哂曰朕謂是文天祥耳御史王著論素亡國之臣不宜列侍從詔調居和州守余闕廟歲餘卒○時穆爾布哈舊作帖木耳不花布延時穆爾舊作卜顏帖木耳慶通舊作慶童賢勅們舊作失列門赫色舊作黑厮已延布哈舊作伯顏不花集賽岱舊作怯薛歹德爾畢實舊作迭兒必失保賽音布哈舊作朴賽因不花穆辰舊作滿川今並改

癸明

順帝出塞北去未嘗失帝號也太子嗣位改元子孫猶繼世稱汗不絕蓋與明代相終始

厥外履聲醜然  
 以老臣自命其  
 視馮道之不知  
 於恥相去幾何  
 明祖以文天祥  
 誦之且以余閑  
 愧之其為貪生  
 忘義之小人示  
 儆凜然嚴于斧  
 鉞矣

考諸明史及他書所載洪武三年元主殂於順昌  
 太子阿裕實哩達喇嗣依王保保於和林改元宣  
 光洪武十一年夏卒國人諡曰昭宗明太祖自為  
 文遣使弔祭次子時古斯特穆爾繼立改元天元  
 洪武二十一年藍玉破其軍於捕魚兒海時古斯  
 特穆爾以其太子添保努遁去將之和林行抵圖  
 拉河為其下伊蘇岱爾繼弑之是後國內亂五傳  
 至昆特穆爾皆被弑永樂初果勒齊篡立稱汗去  
 國號遂稱諸達既而其屬阿魯台以果勒齊非元  
 種殺之迎元之後布尼雅實哩於巴實伯里立為  
 汗永樂八年成祖親征至鄂諾河布尼雅實哩戰  
 敗僅以七騎絕河遁去越二年布尼雅實哩為衛  
 拉特瑪哈穆特所殺瑪哈穆特死子托歡嗣欲立  
 立為汗衆不可乃求元後托克托布哈為主托歡  
 死子額森嗣稱太師托克托布哈擁虛名而已正  
 統間托克托布哈歲朝貢於明天子厚禮之稱曰

達勒達汗正統十四年額森謀入寇托克托布哈  
止之額森不聽曰汗不為吾當自為於是水土  
之後及上皇歸額森疑托克托布哈與中國通遂  
弑之盡收其妻子殺元裔無算而自立為汗時景  
泰二年也未幾知院阿拉攻殺額森保喇復攻破  
阿拉求托克托布哈子穆爾格爾立之號小王子  
天順六年穆爾格爾卒共立其兄圖斯稱蒙古克  
呼濟蘇小王子成化初圖斯入貢出沒河套既而  
保喇弑蒙古克呼濟蘇瑪拉噶殺保喇更立他汗  
復弑之其後穆都哩入河套稱汗穆都哩死成化  
未犯邊者復稱小王子弘治元年小王子奉書求  
貢自稱大元大可汗小王子卒弟已延蒙古代為  
小王子正德十三年已延蒙古卒有三子長鄂羅  
羅次阿珠鄂羅羅前死阿珠稱小王子未幾卒阿  
珠之長子伯奇立初保喇瑪拉噶相仇殺其餘衆  
立故小王子之支子為達顏汗仍服屬於小王子



太宗天聰六年  
親征察哈爾

達顏傳其次子賽音納蘭有子七人長濟農駐牧  
河套即鄂爾多斯次諸達駐豐州灘即西土默特  
嘉靖間濟農諸達於小王子皆從父行雄桀為邊  
患而小王子伯奇富強稍厭兵漸徙而東駐牧察  
哈爾之地因以名部後徙帳於遼東邊外四傳至  
林丹汗亦稱胡土克圖侵暴諸部我

蒙古諸屬部先後悉歸於我林丹汗病瘥卒於西  
喇衛古爾部部落打草灘九年其子額爾克崆鄂爾  
額哲全部來降編旗駐義州時明崇禎八年也至  
是元始滅今於洪武元年秋依史例大書元亡而  
其支系流傳則詳為附列以資讀史者考證焉○  
持古斯特穆爾舊作脫古思帖木兒添保努舊作  
天保奴圖拉河舊作土剌河伊蘇岱爾舊作也連  
迭兒昆特穆爾舊作坤迭木兒果勒齊舊作鬼力

赤阿嚕台布尼雅實哩舊作本雅失里巴實伯里  
舊作別失八里鄂諾河舊作幹難河衛拉特舊作  
瓦剌瑪哈穆特舊作馬哈木托歡舊作脫懼托克  
托布哈舊作脫脫不花額森舊作也先達勒達汗  
舊作達達可汗阿拉舊作阿剌保喇舊作孛來穆  
爾格爾舊作麻兒可兒圖斯舊作脫思蒙古克勒  
濟蘇舊作馬古可兒吉思瑪拉噶舊作毛里孩穆  
都哩舊作滿都魯已延蒙克舊作伯顏猛可鄂羅  
羅舊作阿爾倫阿珠舊作阿著伯奇舊作卜赤達  
顏汗舊作歹顏可汗賽音納蘭舊作賽音那蘭濟  
農舊作吉囊諸達舊作俺答察哈爾舊作揀漢圖  
伯特舊作圖白忒西喇衛古爾舊作實拉衛古爾  
額爾克喀鄂爾額哲舊作額  
爾克孔果爾額哲今並改

以應天為南京開封為北京

先是帝幸汴梁狩營都而未果既克元都遂下詔曰  
朕觀中原土壤四方朝貢道里遠均然立國之規模  
固重而興王之根本不輕其以金陵為南京大梁為  
北京朕於春秋往來巡狩尋又命徙北平軍民於北  
京

## 建六部

先是中書省設四部掌錢穀禮儀刑名營造之務至  
是置吏戶禮兵刑工六部部設尚書侍郎郎中員外  
郎主事等官  
仍屬中書省

## 大赦

詔赦殊死以下恤從征將士家逋卒許首免輸賦道  
遠者官為轉運今歲水旱災具以實聞蠲其租賦鎮

江旱甚悉免今年秋租及明年夏稅避亂民復業者給以荒田復三年闕里常遣官致祭有司以禮聘致賢士中書省量材授任興學校議刑從中典毋非時決重囚除書籍田器稅免逋徵蒙古色目人有才能者一體擢用鰥寡孤獨廢疾者存恤之民年七十以上復一子他利害當興革詔所不載者具以聞質實闕里在曲阜縣城中背洙面泗牆南北一百二十步東西六十步四門各有石闕北門去洙水百餘步

# 御史中丞劉基致仕

初帝北巡命李善長與基留守基剛嚴凡中書僚吏宦者宿衛有過必懲中書都事李彬奸事覺彬素附善長善長請緩其獄基不聽馳奏報可時方祈雨善長曰禱雨可致人乎基曰殺李彬天必雨遂斬之故

善長銜基及帝還與怨基者訴基專恣  
質實貝劉基字  
伯溫青

田人

### 徵元故官至京師

既至帝御奉天門召問元政得失馬翌對曰元有天下以寬得之亦以寬失之帝曰以寬得之則開之矣以寬失之未之聞也元季君臣耽於逸樂馴至淪亡其失在縱弛實非寬也聖王之道寬而有制不以廢事為寬簡而有節不以慢易為簡施之適中則無弊矣

### 帝如北京

### 放元宮人

元季之所以淪亡不在寬而在縱弛明祖此論深中其病至不以廢事為寬慢易為簡尤得為治要領馬翌率爾陳對實為膚末之見豈知寬嚴自貴適中亦

當相濟為用若  
專務姑息必乖  
明允之方過事  
刻覈亦非欽恤  
之典皆無當于  
協中之道如臯  
陶贊舜御衆以  
寬而其時殛流  
放竄未嘗少假  
所謂刑期無刑  
正善用其寬且

遣內官往諭之曰宮人皆良家子幽閉深  
宮誠有可憫至即放遣適人勿使失所

### 九月江西行省參政陶安卒

安博涉經史初帝取太平安迎謁陳王道命知黃州  
移饒州民懷其德吳元年初置翰林院首召安為學  
士徵諸儒議禮以為總裁官諸禮律多所裁定至  
是年四月授江西行省參政及卒追封姑孰郡公

質  
饒州隋置元路明府今因  
之陶安字主敬當塗人

### 冬十月帝還南京

### 十一月庚子冬至祀天子園丘

先是中書省臣李善長等撰進郊祀議請遵古制分  
祭天地于南北郊冬至則祀昊天上帝于園丘以大

明夜明星辰大歲從祀夏至則祀皇地祇于方丘以五嶽五鎮四瀆從祀帝如其議行建圜丘于鍾山之陽方丘于鍾山之陰有司議配祀帝謙讓不許是月庚子冬至前期帝親為文告太廟及南郊竣事詣太廟告禮成還御奉天殿受賀翌日宴羣臣于奉天殿

**質實**

此明初分祭兩郊之始也郊祀議略言王

者事天明事地察故冬至報天夏至報地所以順陰陽之義也祭天于南郊之圜丘祭地于北郊之方澤所以順陰陽之位也周禮大司樂冬至禮天神夏至禮地祇此三代之正禮自秦立四時以祀白青黃赤四帝漢高祖復增北時祀黑帝至武帝有雍五時及渭陽五帝甘泉太乙之祠而昊天上帝之祭則未嘗舉行魏晉以後宗鄭元者以為天有六名歲凡九祭宗王肅者以為天體惟一安得有六一歲二祭安得有九雖因革不同大抵多參二家之說自漢武用祠官寬舒議立后土祠于汾陰睢上禮如祀天而

後世因于北郊之外仍祠后土又鄭元惑于緯書謂夏至于方丘之上祭崑崙之祇七月于泰圻之壇祭神州之祇析而為二後世又因之一歲二祭元始間王莽奏罷甘泉泰畤復長安南北郊以正月上辛若丁天子親合祀天地于南郊由漢歷唐千餘年間皆因之其親祀北郊者惟魏文帝周武帝隋高祖唐元宗四帝而已宋元豐中議罷合祭紹聖政和間或分或合高宗以後惟用合祭之禮元成宗始合祭天地五方帝已而立南郊專祀天泰定中又合祭文宗至順以後惟祀昊天上帝今當遵古制分祭天地于南北郊按唐書睿宗太極元年夏五月祭北郊是月改元延和八月元宗即位改元先天是親祭北郊者睿宗非元宗也此議偶誤耳鍾山

一名蔣山在江寧府城東北

遣使訪求賢才



遣文原吉詹同魏觀吳輔道  
趙壽等分行天下訪求賢才

**質實**

文原吉官侍御史  
詹同字同文婺源

入魏觀字杞山蒲圻人

皆官起居注餘未詳

以孔子五十六世孫希學襲封衍聖公希大世襲曲阜

# 縣知縣

先是元仁宗封孔思晦秩四品至順二年改三品帝  
謂禮部曰孔子萬世師後嗣秩至三品弗稱其授希  
學秩二品賜銀印置衍聖公官屬曰掌書典籍司祭  
知印奏差書寫各一人立孔顏孟三氏學教授學錄  
學司各一人尼山洙泗二書院各山長一人復孔氏  
子孫及顏孟大宗子孫徃後其官屬皆衍聖公選舉

**質實**

曲阜少昊都周魯國漢魯縣隋改曲阜縣明屬  
兗州府今因之孔希學字士行思晦孫按通鑑

後紀至正八年夏四月乙亥帝幸國子學賜衍聖公銀印升秩從二品豈一時特恩而非常制與

### 台劉基還

帝手詔叙基勲伐及彭蠡同舟之難曰今天下一家  
爾當疾至輔成治功庶不負昔者多難之相與既至  
賜資質寶彭蠡同舟之難至正二十三年秋七月太  
基厚質寶祖與陳友諒大戰鄱陽湖日數十接基侍  
側忽躍起大呼趣更舟倉卒徙別  
舸未定飛礮擊舊所御舟立碎

### 建大本堂

延儒臣教授太子諸王上時臨幸評論古今嘗御文  
樓太子侍問近與儒臣講何史對曰漢七國事問曲  
直安在對曰曲在七國上曰此講官一偏之說景帝  
為太子時以博局殺吳世子及為帝又輕聽趙主錯點

明祖論漢七國  
寧極為平允然  
當時台蒙之故  
雖由臺銘謀國

不賊而諸侯借  
修廢壞在大帝  
時賈誼已先見  
以之則七國兵  
端實由封建所  
致明祖果有鑒  
于此即不應裂  
地以王諸子且  
所云諸王當知  
夾輔王室毋抗  
公法蓋以諭教  
授儒臣使諸藩  
之國守法度耳  
然能保其始終  
不渝耶若明祖  
者所謂師古而

削諸侯七國之變實由于此若為諸子講此則當言  
藩王當上尊天子毋撓天下公法如此則為太子者  
知敦睦九族隆親親之恩為諸子  
者知夾輔王室盡君臣之義矣

## 十二月徐達克太原元庫庫特穆爾走甘肅山西平

達既定元都進取山西常遇春先下保定中山真定  
真定達嚕噶齊濟農寶克章聞元都破朝服登城西  
崖墜死馮勝湯和下懷慶度太行取澤潞庫庫特穆  
爾遣將來禦戰于韓店楊璟大敗會元帝自開平命庫  
庫特穆爾復大都庫庫特穆爾乃引兵出雁門內居庸  
以攻北平達聞之謂諸將曰庫庫特穆爾遠出太原必  
虛北平有孫都督足以禦之今乘敵不備直搗太原所  
謂批亢搗虛者也彼若還救進退失據必成擒矣諸將  
皆曰善乃率師趨太原庫庫特穆爾至保安聞之果還  
救太原遇春謀于達曰我騎兵雖集步卒未至驟與戰

不知度今務名  
而以致害實者  
耳

欽定四庫全書

卷一

必多殺傷若夜襲之可得志達然之會庫庫特穆爾將  
呼必瑪勒來約降請為內應達夜還精騎襲其營庫庫  
特穆爾方燃燭治軍書倉卒不知所出跳一足乘驛馬  
從十八騎遁呼必瑪勒降得甲士四萬遂克太原乘勢  
收大同分遣馮勝等徇猗氏平陽絳擒其質寶甘肅元  
守將榆次平遙介休以次下山西悉平

質寶

甘肅元  
路明街

今省治臯蘭保定元路明府今因之中山周國元府明  
定州今直隸州真定漢國元路明府懷慶元路明府  
今俱因之惟真定作正定太行山綿亘數千里在河南  
懷慶府城北二十里山西澤州府南三十里羊腸險道  
明師所度也潞州後周置元屬平陽路明初為直隸州  
嘉靖八年升潞安府今因之韓店在潞安府長治縣南鴈  
門關在代州西北二十五里居庸關在昌平州北二十四里  
保安元州明廢後復置今屬宣化府大同五代唐置軍元  
路明府今因之猗氏漢縣元屬河中府明屬蒲州今屬  
蒲州府絳周晉國後周置州元屬晉寧路明屬平陽

府今直隸州榆次漢縣元屬太原路明屬太原府平  
遙縣後魏置介休縣秦置元俱屬汾州明屬汾州府  
今皆因之○濟農實克章舊作叙納  
錫彰呼必瑪勒舊作詒鼻馬今並改

巳明太祖高皇帝洪武二年春正月立功臣廟

帝親定功臣位次以徐達為首次常遇春李文忠鄧  
愈湯和沐英胡大海馮國用趙德勝耿再成華高丁  
德興俞通海張德勝吳良吳禎曹良臣康茂才吳復  
茅成孫興祖凡二十一人立廟鷄鳴山下死者像祀  
生者虛其位又以廖永安俞通海張德勝桑  
世傑耿再成胡大海趙德勝七人配享太廟  
山一名鷄籠山在江寧府西北七里李文忠字思本  
盱眙人明太祖姊子初賜姓朱氏及官浙江行省平  
章政事乃復姓鄧愈初名友德虹人沐英字文英定  
遠人胡大海字通甫虹人馮國用勝之兄趙德勝濠

質實

鷄鳴

人耿再成字德甫五河人華高和州人丁德興定遠人俞通海字碧泉潑人徙巢張德勝字仁輔合肥人吳良定遠人初名國興賜名良吳禎良之弟初名國寶賜名禎曹良臣安豐人吳復字伯起合肥人茅成定遠人廖永安字彥敬永忠之兄桑世傑無為人

# 免山東北平山西河南及畿內諸郡田租

詔以海內戡定民尚未甦免山東北平燕南河東山西今年夏秋稅糧其北京河南除徐宿等州已免外西抵潼關北界大河南至唐鄧光息一體蠲免又

實

徐州晉置明初屬鳳陽府尋改直隸州今升府宿州周宿國唐置州明屬鳳陽府唐縣唐唐州明降

為縣鄆州周鄆國隋置州明俱屬南陽府今皆因之又光州明置明屬汝寧府今改直隸州息縣周息國

後周置州明降縣屬光州宣城晉郡隋改縣明為寧國府治無為宋置軍元改州明屬廬州府今皆因之

### 倭寇山東

方國珍張士誠相繼誅服諸豪亡命海島糾倭入寇山東瀕海州縣帝遣行人楊載招諭其國日本王良懷不奉命質實倭古倭奴國唐咸亨初改日本地環海東北限大山有五畿七道三島小國數十皆服屬焉國主世以王為姓宋以前皆通中國元代屢招不至至是始入寇山東

### 三月詔修元史

大都既克得元十三朝實錄乃詔修元史以左丞相李善長監修前起居注宋濂漳州府通判王禕為總裁徵山林隱逸之士汪克寬胡翰宋禧陶凱陳基趙璘曾魯高啟趙訪張文海徐尊生黃麓傅恕王鈞傅

著謝藏十六人為纂修開局天界寺取元經世大典諸書資參考帝諭之曰元初君臣樸厚政事簡畧與民休息時號小康季世嗣君荒淫權臣跋扈兵戈四起民命顛危間有賢哲之臣言不見用不見信遂至土崩其間君臣行事有善有否賢人君子或隱或顯其言行文多可稱者爾等務直述其事毋溢美毋隱惡以垂鑒戒閱六月書成而元統以後之史未備乃分遣使者歐陽佑等十二人往北平山東採遺事明年續修仍以瀟祿總其事復徵趙壖及朱右貝瓊朱廉王彛張孟兼高遜志李懋李汶張宣張簡杜寅殷弼俞寅十人為纂修質實經世大典元文宗命奎章閣侍書學士虞集倣六典修經世大典元統順帝即位年號天界寺在江寧縣城南二里宋瀛字景瀛金華潛溪人遷浦江王禕字子充義烏人汪克寬字德一祁門人胡翰字仲申金華人字禧字無逸餘姚人陶凱字中立臨海人陳基字敬初臨海人



趙璠字伯友新喻人曾魯字得之新淦人高啟字季  
迪長洲人趙汭字子常休寧人張文海鄞人徐尊生  
字大年淳安人傅恕字如心鄞人傅著字則明長洲  
人謝徽字元懿長洲人朱右字伯賢臨海人貝瓊字  
廷琚一名闕字廷臣崇德人朱濂字伯清義烏人王  
彝字常宗蜀人遷嘉定張孟兼浦江人名丁以字行  
高遜志蕭縣人李汝字宗茂富塗人張宣字藻重江  
陰人張簡字仲簡吳縣人杜寅字彥正吳縣人餘未  
詳

元丞相伊蘇侵通州平章曹良臣擊走之

大軍徇山西北平守僞軍弱曹良臣守通州兵不滿  
千人伊蘇將萬騎營白河良臣曰吾兵少不可與戰  
當以計走之乃密遣指揮吳勇等于瀕河舟中多立  
赤幟亘三十餘里鉦鼓聲相聞伊蘇驚遁良臣出精

騎逐北百餘里元兵自是不敢窺北平

**質實**

白河源出宣化府龍門縣東滴水崖東流入密雲縣

北境之石塘嶺過

縣西入通州界

# 帝耕藉田

先是元年冬帝諭廷臣以來春舉行藉田禮禮官言漢鄭元謂王社在藉田之中先農即神農也唐祝欽明云先農即社宗陳祥道謂社自社先農自先農藉田所祭乃先農非社也享先農與躬耕同日國語云農正陳藉禮韋昭注云祭其神為農祈也漢以藉田之日祀先農由晉至唐宋相沿不廢政和間命有司享先農止行親耕之禮南渡後復親祀元雖議耕藉竟不親行其祀先農命有司攝事今議耕藉之日皇帝躬祀先農禮畢躬耕藉田以中春擇日行事從之建先農壇于南郊在藉田北是月壬午帝親祭先農

以后稷配器物祀儀與社稷同祀畢行耕藉禮御耒耜二具耜以青絹御耕牛四被以青衣禮畢還太次應天府尹及上元江寧兩縣令率庶質實上元縣唐人終畝是日宴勞百官耆老于壇所置在今江寧府治東北江寧縣隋置在府治西南俱附郭

### 三月徐達克奉元常遇春克鳳翔

元將李思齊據鳳翔張思道孔興圖魯卜等駐鹿臺以衛奉元徐達兵入關思道道去郭子興將輕騎直搗奉元守將棄城走御史桑噶實哩與妻子俱投崖死即中恩克仰藥死檢校阿實克布哈自經死三原尹朱春謂其妻曰吾當以死報國妻曰君能盡忠妾豈不能殉節俱投繯死之遂改奉元路為西安府時關中饑詔戶賑米三石民大悅質實奉元元初曰安遇春兵至鳳翔思齊奔臨洮西路皇慶初改

奉元路今仍西安府鹿臺即鹿苑原在西安府高陵縣西南三十里寰宇記上有鹿臺祠禱雨輒應臨洮西魏郡金政府元明因之今改狄道州郭子興一名興濠人官都督僉事與滁陽王同姓名○國魯卜舊作脫列伯桑噶實哩舊作桑哥失里思克舊作王可阿寶克布答舊作阿失不花今並改

### 夏四月命博士孔克仁授諸子經

功臣子弟  
並令入學  
質實  
孔克仁  
句容人

### 馮勝徇臨洮李思齊降

時張思道弟良臣守慶陽徐達會諸將議所向皆曰張思道之才不如李思齊而慶陽易于臨洮請先慶陽達曰不然慶陽城險兵精猝未易拔臨洮西控羌戎北界河湟得之其人足備戰鬪物產足佐軍儲盛

歷歷特移前  
此雖不免跋扈  
及元亡以後則  
獨力支拄思為

恢復之舉始終  
與明兵相持雖  
亦有勝負其志  
不少撓屈明祖  
七致書而不答  
因益敬愷至以  
奇男子目之則  
疾風勁草實可  
見其乃心王室  
矣若李思齊初  
惟倨強自專與  
諸將日尋攻殺  
同恤國難迨宗  
社已移擁兵重  
鎮猶不知儆力  
效忠與張思道

以大軍思齊不西走則束手就降矣臨洮既克于旁  
即何有遂度隴克秦州下伏羌寧遠入鞏昌遠馮勝

逼臨洮思齊果不戰降初思齊在鳳翔帝以書諭之  
且言誠能審去就當以漢待竇融之禮相報思齊得

書欲降其養子趙琦本狄道人結思齊奔吐蕃思齊  
信之遂奔臨洮琦私竊寶貨婦女逃匿山谷間思齊

窮蹙遂降琦尋亦來歸思齊至京帝深慰之授江西  
行省左丞不之官久之遣往招諭庫庫時穆爾至則

待以禮尋使騎士送之還至塞下辭曰主帥有命請  
留一物為別思齊曰吾遠來無所攜騎士曰願得公

一臂思齊知不能免質實慶陽古義渠國宋府元明  
遂斷與之還未幾卒及今因之隴坂在隴州西

北六十里秦州魏州明直隸州今因之伏羌唐縣寧  
遠宋若改縣金廢元復明及今縣皆屬鞏昌府鞏昌

秦隴西郡元府改路明改府今因之狄道漢縣元明  
縣為臨洮府治今改州屬蘭州府吐蕃本西羌屬漢

華相犄角以全  
西北一隅乃聞  
待以賓融之禮  
輒不戰而降其  
肺腸殆不如狗  
彘且醜顏招降  
庫庫特穆爾豈  
復知人間羞恥  
寧乎斷臂而冥  
誅隨及固快人  
心然猶不若數  
其罪而寸磔之  
更足伸大義于  
千古也

發羌南涼禿髮烏孤之後姓勃罕野都邏些城唐貞  
觀八年始通中國元置吐蕃宣慰司于河州又于四  
川徼外置烏斯藏明置西番烏斯藏朵甘衛都指揮  
使司今西藏地趙琦世為元土官時呼為趙脫兒

五月甲午朔日有食之

癸卯夏至祀地于方丘

羣臣固請配祀帝曰使慶陽平議之八月慶陽平十  
一月冬至羣臣復固請乃奉皇考仁祖淳皇帝配天  
于圜丘明年祀  
方丘亦如之

御史中丞章溢卒

溢初應聘與劉基葉琛宋濂同至應天帝勞之曰我  
為天下屈四先生今天下紛紛何時定乎溢對曰天

道無常惟德是輔惟不嗜殺人者能一之耳浙東設  
按察使以溢為僉事督饋餉平諸寇數有功帝即位  
與劉基並拜御史中丞時廷臣伺帝意多尚嚴苛溢  
獨存大體不以搏擊為能李文忠之征閩也溢子存  
道以所部鄉兵萬五千人從閩平詔以所部從海道  
北征溢奏曰兵已入閩者俾還鄉里昔嘗叛逆之民  
籍為軍使北上一舉而恩威著矣帝喜曰非先生一  
行無能辦者溢行至處州遭母喪乞守制不許鄉兵  
既集再乞終制許之哀毀  
**賈實** 處州隋川明府今因  
卒帝痛惜親撰文祭之  
人葉琛字景淵麗水人

## 六月常遇春克開平元帝奔和林

遇春下鳳翔詔還備北平以李文忠副之帥步騎九  
萬敗元將江文清于錦州敗伊蘇于全寧進攻大興

州分千騎為八伏守將夜遁盡擒之遂拔間平元帝  
北走追奔數百里獲其宗王齊克慎平章昂臣等新  
之凡得將士萬人車萬輛馬三千匹牛五萬頭薊北悉平

實寶

和林在今喀爾喀西部杭愛山東元

太祖初都此後置和寧路錦州遼州元屬大寧路明  
置廣寧中屯左屯二衛今錦州府治錦縣全寧元置  
全寧路明廢故城在今喀爾沁故大寧城西北大興  
州即興州金末嘗寄治利民鎮俗呼為小興州故名  
此為大興州距古北口可三日程在今  
熱河界內○齊克慎舊作慶生今改

# 封陳日燧為安南國王

日燧遣使貢方物因請封爵詔翰林侍讀學士張以  
寧等使其國封日燧為安南國王賜以駝紐塗金銀  
印以寧等以十月至安南界而日燧先以五月卒其  
姪日燧嗣立迎請詔印以寧不與諭日燧請命于朝



以寧駐安南俟命

**質實**

宋大中祥符三年交趾郡王黎至忠為其臣閩人李公蘊所篡八傳嗣絕

傳其婿陳日熒日隆日熒之元孫也張以寧字志道古田人

秋七月副將軍鄂國公常遇春卒于軍詔李文忠領其

衆

遇春師還次柳河川暴疾卒年四十遇春沉鷺采敢善撫士卒每戰出則當先退則殿後未嘗敗北采石之後舟距磯三丈餘遇春奮戈直前敵接其戈乘勢登遂拔之鏖戰康郎山殪陳友諒克姑蘇縛張士誠功最著自言能將十萬衆橫行天下軍中呼常十萬長于大將軍達二歲其從征伐聽約束惟謹及其自將善以少為衆一時名將稱徐常喪歸帝用采太宗喪趙普故事臨于龍江追封開平王諡忠武

**質**

實

柳河川在宣化府龍門縣西康郎山在饒州府餘干縣西北八十里鄱陽湖之南崖也龍江闔名今

在江寧縣

西門外

# 八月元兵攻大同李文忠擊敗之

文忠受詔會徐達攻慶陽行次太原間大同圍急謂左丞趙庸曰聞外之事苟利于國專之可也遂出雁門敗元游兵于馬邑擒其平章劉特穆爾進至白楊門天雨雪已駐營文忠引數騎入山察視疑有伏遽令移前五里阻水自固元兵果乘夜來劫文忠令堅壁不動質明敵大至以二營委之殊死戰度敵疲乃分軍為左右翼身當前鋒奮擊大破之擒其將圖魯卜俘戮萬餘人窮追至東勝州孟克倉而還先是元帝北走毛哈里泊全國魯卜孔興以重兵攻大同欲圖恢復及是圖魯卜既擒孔興走綏德其部將斬之

來降元帝知事無質實馬邑秦縣元明屬朔州今屬朔平府白楊門在馬邑縣北

東勝州遼置金元因之明初改東勝左右二衛後廢故城在今歸化城西南一百四十五里湖灘河朔渡口土名托克托城孟克倉在大同府邊外綏德金州元因之明屬延安府今直隸州趙廣廬州人○劉特穆爾舊作劉帖木孟克倉舊作莽哥倉哈里泊舊作蓋里泊今並改

## 定內侍官制

內臣但備使令當使畏法勿令有功實為制馭宦寺要旨明祖以此垂戒貽謀不為不深乃未

諭吏部曰內臣但備使令無多人顧謂侍臣曰此曹善者千百中不一二以為耳目即耳目蔽以為腹心即腹心病馭之道當使畏法勿令

**質實**

明太祖實錄定置內

使監奉御六十人尚寶一人尚冠七人尚衣十人尚佩九人尚履八人尚藥七人紀事二人執膳四人司

數傳而閭豎即  
擅權恣橫至本  
季而流毒益甚  
釀禍喪邦若全  
不知有此諭者  
可見子孫不遵  
祖訓鮮能保其  
令緒此特其一  
端耳

### 封王顯為高麗國王

脯二人司香四人太廟司香四人清潔二人置尚酒  
尚醋尚麵尚染四局局正一人副二人置御馬御用  
二司司正一人副二人內府庫大使一人副使二人  
內倉監令一人丞二人置東宮典璽典膳典輪典服  
典藥典乘兵六局局郎一人丞一人置門官午門東  
華門西華門元武門奉天門左右順門左右紅門皇  
宮門坤寧門宮左門宮右門及東宮門官東和門  
東宮後門宮左門宮右門各設門正一人副一人

顯遣使朝貢且請封爵命符璽

質實

高麗漢以前曰  
朝鮮漢末扶餘

人高氏據其地改號高麗又曰高句驪居平壤即樂  
浪也後唐時王建代高氏徙居松岳曰東京俟斯漂

人陽

徐達克慶陽擒張良臣斬之陝西平

達自臨洮下蘭州襲走元豫王盡收其部落輜重還  
出蕭關克平涼張思道懼使其弟良臣守慶陽而自  
奔寧夏與其驍將金牌張俱為庫庫特穆爾所執良  
臣以慶陽降達遣薛顯受之良臣先出尋叛襲傷顯  
良臣之降也捷聞帝戒達曰張思道兄弟多譎勿墮  
其計中良臣果叛達督兵圍之良臣求援于庫庫特  
穆爾庫庫特穆爾遣將攻原州陷涇陽為慶陽聲援  
達遣馮勝抗驛馬關敗其將哈扎爾等良臣驍勇軍  
中呼小平章養子七人皆善戰軍中語曰不怕金牌  
張惟怕七條鎗良臣自以慶陽城高險上有井泉可  
據守又倚思道庫庫特穆爾為聲援賀宗哲哈扎爾  
為羽翼姚暉格幹為爪牙故降而復叛及被圍猶日  
開門出汲駢騁城下達進營逼其四門良臣數出戰  
不利求援寧夏者又悉被獲糧乏絕至煮人汁九泥

嚙之將士相繼開門降達勒兵自北門入良臣父子俱拔并引出斬之時元賀宗哲攻鳳翔指揮使金興旺與知府周煥嬰城守敵編剗為大箕形如半舫五人負之攻城矢石不能入投藁焚之輒颺起乃置鉤藁中擲著其隙火遂熾敵棄箕走復為地道薄城攻不已會百戶王輅收臨洮降卒還入城兵守敵拔營去衆欲追之輅曰未敗而還誘我也偵之至五里坡伏果發還師復圍城衆欲走興旺叱曰天子以城畀我豈可去耶以輅所將皆新附乃括城中貲令曰敵退當大犒新兵新兵喜協力固守持十五日宗哲聞慶陽下引去尋掠蘭州達達馮勝

**質實**

蘭州隋州宗復置金元明

因之今升府蕭關在平涼府華亭縣西北百四十里平涼金府元明及今因之寧夏元路明改府尋改衛今仍府原州後魏州元復置尋改開成府並置開成縣後又改府為州明洪武中省州入開成縣孝宗十

五年改固原州屬平涼府今因之涇陽漢縣故城在平涼府西南非西安府屬之涇陽也驛馬關在慶陽府安化縣西南九十里五里坡在鳳翔縣西○哈扎爾舊作韓扎兒格幹舊作葛八今並改

## 修禮書

詔舉素志高潔博通古今練達時宜之士年四十以上者禮送至京于是儒士徐一夔梁寅等與曾魯同纂修明年書成

**質實**

徐一夔字大章天台人  
梁寅字孟敬新喻人

## 九月置中都

以臨濠為中都營城郭宮殿如京師制帝召諸老臣問以建都之地或言關中險固或言洛陽天下中汴梁為宗舊京或又言北平故元宮室就之可省民力帝曰所言皆善惟時有不同耳長安洛陽汴梁實周

秦漢魏唐宋故都但平定之初民未甦息若建都于彼供給力役悉資江南重勞其民若就北平宮室亦不無更作建業建江天塹龍蟠虎踞足以建國臨濠前江後淮有險可恃有水可潛朕欲建為中都何如羣臣皆稱質實長安漢縣元屬奉元路明屬西安府善遂營之洛陽周下都漢置洛陽縣元屬河南路明屬河南府今皆因之建業孫吳都改秣陵曰建業今江寧府

發明

帝王之興以德而地形亦與焉明祖起于濠泗則臨濠其豐沛南陽也建都應天以江淮

為根本而守江必先守淮鍾離據淮之中定為中都亦一時因地制宜之意然天下形勢居北極而拱四方據高屋而建瓴水冀北為上關中次之是以成祖遷都燕京累世蒙業彼江左偏安之地汴洛四達之衝曷足以較優劣哉



冬十月詔天下府州縣皆立學

府學設教授一員訓導四員生員四十人州學設學正一員訓導三員生員三十人縣學設教授一員訓導二員生員二十人

十二月封阿答阿者為占城國王

阿答阿者奉表貢象虎方物時安南與占城構兵帝既遣使諭解又命中書省管勾甘桓等賫印詔往封之質寶占城周趙囊地秦林邑漢象林縣後漢末區連始稱林邑王唐時或稱占不勞或稱占婆

王所居曰占城至德後改國號曰環迄周宋遂號占城

元庫庫特穆爾侵蘭州指揮于光死之

庫庫特穆爾偵知徐達軍還率兵掩至蘭州指揮張溫固守敵圍數重鷹揚指揮于光守鞏昌將兵來援至馬蘭灘猝遇敵遇力戰敗被執使呼城內出降光大呼曰我不幸被執公等堅守大軍旦夕至矣敵怒批其頰遂遇害城中聞光言質實馬蘭灘在蘭州東守益固庫庫特穆爾引去

大河南岸于光字

大用都昌人死時年四十三命配享功臣廟

庚戌 三年春正月命徐達李文忠分道北伐

時元帝尚在近塞帝再致書不報而庫庫特穆爾為西北邊患帝以達為大將軍文忠及馮勝鄧愈湯和副之分二道出兵達自潼關出西道擣定西取庫庫特穆爾文忠自居庸出東道絕大漠追元帝二月文忠至興和其守將進兵察罕諾爾擒元平章珠占五月次駱駝山走平章沙布鼎次開平降平章沙達哈等

質實

定西元州明改安定縣屬鞏昌府今因之興和遼金撫州元為興和路明廢故城在今張家口

外鑲黃旗牧廠西南察罕諾爾即白海子在大青山之北駱駝山在張家口外鑲黃旗察哈爾東南察罕諾爾舊作察罕腦兒沙布鼎舊作沙不丁沙達哈舊作上都罕今並改

吏部請謫有罪于儋崖不許

帝曰前代謂儋崖為化外以處罪人今天下一家所有若有風俗未淳宜更擇良吏治之宜宜居罪人耶

實

儋耳漢郡唐置儋州宋元曰南寧軍明仍為儋州珠崖漢郡隋置崖州宋元曰吉陽軍明仍為崖州

今皆因之

屬瓊州府

振西安鳳翔饑

先是張李搆兵西安諸府旱粟麥不登民多饑色二年冬詔有司正月二月戶給米一石至是者民宋昇等來言戶部奏請運米濟之帝曰民旦暮待哺若待運粟死者多矣即命戶部主事李亨馳驛往西安鳳翔振之戶加粟一石

## 二月追封郭子興為滁陽王

立廟滁州祀之專張氏為質實三子從祀按明史郭王夫人以其三子從祀

質實

三子從祀按明史郭子興傳子興長子前

戰死次天叙天爵俱仕偽宋被殺子興後遂絕有一女小張夫人出者事太祖為惠妃生蜀谷代三王按

通鑑後編考異辨證曰滁陽王夫人張氏次夫人亦張氏據張來儀廟碑初勸滁陽館高帝于貳室者次

夫人也

免應天等府州及河南山東北平田租

詔曰成武功者必資民力各郡邑供給有先後豐歉有不同凋獎之餘未能蘇息其蠲應天鎮江蘇州寧國池州太平廬州廣信饒州金華嚴州衢州處州廣德滁和十六府州及河南山東北平今年田租又免徐邳二州夏稅五月又免蘇質實徽州亦置元路明州通州三十萬五千八百石改府廣信元信州路明改廣信府金華元婺州路明改金華府嚴州元建德路明改嚴州府衢州唐置元路明改府今皆因之邳州後周置元屬歸德府明屬淮安府今屬徐州府

夏四月封子九人為王

棟為秦王裊為晉王棟為燕王櫟為吳王楨為楚王搏為齊王梓為潭王杞為趙王檀為魯王從孫九謙

封建不可行于後世昔人已詳

論之若宋元之亡本不由于孤立且宋世積弱即有屏藩之術亦無能為元則強藩在外擁兵屢作不靖轉貽內患皆已寧之可徵者明祖欲大封諸子假此立言竇衣為允無論燕王情其強盛骨肉相珍不旋踵而成篡奪之禍即其後高煦宸濠稱兵

為靖江王帝懲宋元孤立失古封建意于是擇名城大郡豫王諸子待其壯而遣就藩服外衛邊陲內資夾輔其制祿親王歲萬石置相傳官屬護衛甲士少者三千人多者至萬九千人籍隸兵部免服車旗卽第下天子一等公侯大臣伏而拜謁禮無與鈞惟列爵而不臨民分藩而不錫土與周漢封國稍異焉

**質實**

秩帝第二子封西安嗣第三子封太原祿第四子即成祖封北平攝第五子有司請置護衛于

杭州帝以財賦地不可洪武十一年改周王封開封四王俱皇后生損第六子胡充妃生封武昌博第七子封青州梓第八子封長沙二王俱遣定妃生祀第九子明年賜禮第十子郭寧妃生封兗州守諫帝長兄子文正之子封桂林

徐達大破元庫庫特穆爾于沈兒峪

肆逆視漢之吳  
漢淮南相去有  
幾及末世流寇  
充斥諸王亦惟  
束手就斃求其  
足資夾輔者又  
有何人則其是  
非得失並瞭然  
可見保世昌後  
自有大經豈在  
拘泥不可復行  
之古法乎

達至安定庫庫特穆爾退屯沈兒峪達進軍薄之隅  
深溝而壘日數交戰庫庫特穆爾遣精兵千餘人由  
間道從東山劫東南壘左丞胡德濟倉卒失措軍驚  
擾達親擊却之德濟大海養子也達械送京師而斬  
其下趙指揮等數人以徇明日整兵奪溝殊死戰大  
破庫庫特穆爾兵擒卸王濟王及國公平章以下文  
武僚屬千八百餘人士卒八萬庫庫特穆爾僅扶妻  
子數人從古城北遁去至黃河得流木以渡遂奔和  
林達自蘇州南出一百八渡至略陽克汧州入連雲  
棧攻興元取之鄧愈亦自臨洮進克河州德濟至京  
師帝釋之而以書諭達曰將軍效衛青不斬蘓建耳  
獨不見穰苴之待莊賈乎且將軍在軍中誅之則已  
今下廷議吾且念其信州諸暨功不忍加誅總自今  
將軍毋事姑息是役也都督孫興祖燕山右衛指揮  
平定大興右衛指揮龐輝等兵次塞音布拉克川遇敵兵  
力戰皆沒于五郎口帝甚悼惜追封興祖燕山侯諡

德濟雖功臣之子而失機償事邦有常刑然徐達斬其下數人以徇而械送德濟京師候王章未為大失明祖釋之實流于輕縱且以書諭徐達掩已過而授人柄稷苴之喻未可為辭之正也

忠愍配享通質實

沈兒峪在鞏昌府安定縣北之車道峴南嶽州元置明因之今改縣

屬秦州一百八渡在畧陽縣城東源出嶽縣下流入

嘉陵江渡凡一百八處故名畧陽縣元置屬汧州明

改屬漢中府今因之汧州元置明改縣今屬漢中府

連雲棧漢中府志褒斜谷中元時有板閣二千八百

九十二間統名之曰連雲棧興元唐府元路明改漢

中府今因之河州前秦置元河州路明改州屬臨洮

府今屬蘭州府信州今廣信府見上諸暨秦縣元州

明初改諸全尋復為縣屬紹興府今因之賽音布拉

克川在蘭州府靖遠縣北其西為五郎口胡大海克

信州太祖命德濟守之漢將李明道寇信州德濟力

戰擒明道會大海為蔣英所害張士誠遣其將呂珍

寇諸全德濟救之入城守夜半斫珍營珍遁去此其

功也胡德濟字世美○賽音布

拉克川舊作三不拉川今改



封陳日煚為安南國王

安南使臣杜舜欽以其王日煚卒來告哀帝御西華門素服見之遣使往奠又命吏部主事林唐臣賫詔

封日煚

質實

林唐臣名

為王

蜀漳州人

元帝殂于應昌

詔謚之曰順帝其國人謚曰憲宗子阿裕實哩質實達喇嗣改元宣光立八年而殂國人謚曰昭宗

按元史明寶錄元帝殂在是年四月二十八日丙戌壽五十有一應昌城距故開平衛東北三百里元置

應昌路領應昌縣在今克什克騰旗西北捕魚兒海旁朱孛尊書高麗史後曰庚申君遁走沙漠高麗問猶通使稱為北元北元主奔應昌以洪武三年庚戌四月殂落國人追謚曰憲宗其子嗣立以餘兵走和

林十年丁巳遣使至高麗行宣光年號國人不久後  
二年又遣僉院富芬告紀年天元辛禍遣永寧君王  
彬往賀相傳立十一年而殂北元諡為昭宗者也按  
昭宗殂于洪武十一年戊午非立十一年也洪武十  
年行宣光年號後二年告紀年天元則其子特古斯  
特穆爾之元年也異尊考謚○富芬舊作甫非今改  
五月始設科取士

詔自今年八月為始明年春以天下初定令京府及  
各行省連舉三年自後三年一舉鄉試以八月會試  
以二月  
著為令

# 李文忠克應昌獲元密迪哩已拉送京師

文忠聞元帝殂督兵兼程進圍應昌克之元嗣君阿  
裕實哩達喇北走獲其子密迪哩已拉及后妃諸王

官屬數百人並獲宗元王璽金寶王冊鎮圭大圭王斧等駝馬牛羊無算窮追至北慶州而還道興州擒

國公江文清等降三萬七千人至紅螺山又降楊思祖之衆萬六千餘人海寧衛指揮副使孫虎至落馬

河與元太尉瑪魯戰質實北慶州遼置故城在今巴死之追封康安郡伯林西北遼史地理志慶州

元寧郡有赤山黑河即此北邊紀事舊慶州在大寧北六百餘里地皆大松號曰千里松林紅螺山亦作

紅羅山一統志今獨石口北御馬廠西有烏蘭峪朗嘯山即紅羅山也明初李文忠敗元兵于此落馬

河一統志落馬河在喀喇沁右翼東蒙古名伯爾克源出大斧山北流入敖漢界入老河金史大定府松

山三韓二縣有落馬河又翁牛特右翼北有落馬河出汗達該山西北東南流入老河又方輿紀要落馬

河在應昌東北相近固都遜地即偏將孫虎戰死處○密迪哩已拉舊作買地里八喇瑪魯舊作買驢汗

達該舊作海他漢國都  
遜舊作苦脫孫今並改

是月早六月朔帝親禱于山川壇越五日雨

帝齋于西廡皇后躬執饗為農家食太子諸王饋于  
齋所帝素服草履徒步至壇席藁曝日中夜臥于地凡  
三日詔省獄囚命有司訪求通經  
質實按明實錄六月  
街深明至道者越五日大雨  
戊午朔壬戌雨

頒平定朔漢詔于天下封密迪哩巴拉為崇禮侯

不以元裔獻俘  
而獲司武王唐  
太宗之寧為證  
見理甚正立意  
尤為忠厚至梳  
英舊賀令元故

李文忠捷奏至羣臣稱賀帝謂治書侍御史劉炳曰  
爾本元臣今日之捷爾不當賀因命禮部榜示凡此  
方捷至嘗任元者勿與賀翌日中書省草詔進帝見  
有後大之詞責省臣曰元主中國將百年朕與卿等  
父母皆賴其生養元之興亡自是氣運于朕何與而  
以此張之四方有識之士口雖不言心未必以為是

臣勿與及改詔  
書侈大之詞而  
述其先世皆賴  
以生養既勵不  
事二姓之節並  
寓不忘統一之  
尊明祖此舉仁  
義兼至足與漢  
之高光相比量  
矣

也可更草以進密迪哩已哈至京師羣臣請獻俘帝  
曰武王伐殷用之乎楊憲對唐太宗嘗行之帝曰是  
待王世充耳若遇隋之子孫恐不爾也今以本服朝  
見賜冠帶封崇禮侯諭省臣曰故國之妃朝于君者  
元有此禮不必效之今母妃皆朝中宮賜第龍光山  
入曰前代革命之際獲其后妃往往不以禮遇欺孤  
虐寡非盛德所為朕甚不取今元托郭斯后在此飲  
食居第務適其宜乃頒詔天下有天命靡常殷鑒可  
畏質實龍光山即龍舟山一統志覆舟山一名龍舟  
語質實山在江寧府東北太平門內楊憲字希武陽  
曲人○托郭斯舊  
作脫忽思今改

## 英宋理宗頂骨于故陵

先是元至元間西僧薩古密桂欲毀宋會稽諸陵夏  
人嘉木揚喇勒智為江南總攝奏請如二僧言遂發

諸陵取其金寶以諸帝后遺骨瘞于杭之故宮築浮圖其上名曰鎮南以厭之又截理宗項骨為飲器嘉木揚喇勒智敗籍入宣政院以賜所謂帝師者帝與侍講學士危素論宋元興替素備言始末帝歎息久之即命北平守將吳勉訪索項骨所在得之西僧汝克鼎廬中既送至命有司厝于京城之南高坐寺西北至是紹興府以永穆陵圖

### 質寶

按西僧毀宋陵事見周密癸辛雜識

來獻遂勅葬于故陵  
至元二十二年上酉事有陵使羅銳買棺製衣收斂又陶宗儀輟耕錄所載羅有開義士唐珏瘞宋諸陵骨傳及鄭元祐書義士林德陽收高孝兩朝骨事蹟傳聞異辭而宋濂高啓楊維禎王逢原彭瑋諸家所紀乃甲申僧格為相與嘉木揚喇勒智表裏使僧薩古密桂上言明年僧格矯制報可嘉木揚喇勒智敗飲器歸于宮以賜帝師會稽陳縣明為紹興府治今皆因之○薩古舊作嗣古密桂舊作妙高嘉木揚喇

勒智舊作楊華真珈汝克龍舊  
作汝納僧格舊作桑哥今並改

### 立開中鹽法

山西行省言大同糧儲自陵縣運至太和嶺路遠賣  
煩請令商人于大同倉入米一石太原倉入米一石  
三斗給淮鹽一小引商人鬻畢即以原引赴所在繳  
之帝從其請召商輸糧而與之鹽謂之開中其後各  
行省邊境多召商中鹽以備邊儲  
計道里遠近自五石至一石有差  
中于縣置德州而移縣治于舊德州屬濟南府今因  
之太和嶺即勾注山在雁門關西馬邑縣東南六十里  
徒蘇松嘉湖杭民無業者田臨濠

以五郡地狹民衆無田以耕臨濠田多未闢全就墾  
業給牛種車糧資遣之三年不征稅徙者凡四千餘

戶其後復徙北平山後民散處諸府縣又徙沙漠遺民屯田北平又徙江南民十四萬于鳳陽又徙山西民于河北又屢徙浙西及山西民于滁和質實松江北平山東河南終洪武之世徙民最多元府

明因之嘉興宗府元路明改府湖州隋置元路明改府杭州隋置元路明改府今皆因之山後石晉所割新媯儒武雲應朔蔚八州也新今保安州媯今懷來縣儒今延慶州武今宣化府雲今大同府應今應州朔今朔州蔚今蔚州

# 秋七月中書左丞楊憲有罪誅

憲有才辨裁決明敏然意刻深有不足于己者輒中傷之為司農卿時浙西初平憲欲增賦畝加為二因倍征之民不堪其苦在中書欲盡易省中故事凡舊吏皆罷去更用己所親信者汪廣洋為右丞以憲專



次依違不與較猶不能得憲意憲竟嗾侍御史劉炳  
劾罷之且請徙廣南帝不從己復有所論劾帝覺其  
誣下炳獄炳吐質實汪廣洋字朝  
實遂并誅之宗高郵人

# 冬十一月大封功臣

徐達李文忠師還至龍江帝出勞于江上甲午告武  
成于郊廟越二日大都督府兵部上諸將功績帝自  
定其次第遂班爵行賞封公者六人宣國公李善長  
進韓國公信國公徐達進魏國公常遇春子茂鄭國  
公李文忠曹國公馮勝守國公鄧愈衛國公侯者二  
十八人湯和中山侯唐勝宗延安侯陸仲亨吉安侯  
周德興江夏侯華雲龍淮安侯顧時濟寧侯耿炳文  
長興侯陳德臨江侯郭子興輩昌侯王志六安侯鄭  
遇春滎陽侯費聚平涼侯吳良江陰侯吳禎靖海侯  
趙庸南雄侯廖永忠德慶侯俞通源南安侯華高廣

德侯楊璟營陽侯蘄國公康茂才子鐸蘄春侯朱亮  
祖永嘉侯傅友德潁川侯胡美豫章侯韓政東平侯  
黃彬宜春侯曹良臣宣寧侯梅思祖汝南侯陸聚河  
南侯越二日大宴翌日諸臣入謝帝賜坐華蓋殿從  
容論取天下之略曰朕起鄉里本圖自全及渡江以  
來視羣雄所為徒為民害張士誠陳友諒尤為巨蠹  
士誠恃富友諒恃強朕獨無所恃惟不嗜殺人布信  
義行節儉與卿等同心共濟初與二寇相持士誠尤  
逼近或謂宜先擊之朕以友諒志驕士誠器小志驕  
則好生事器小則無遠圖故先攻友諒鄱陽之役士  
誠卒不能出姑蘇一步以為之援向使先攻士誠姑  
蘇聖守友諒必空國而來吾腹背受敵矣及北定中  
原先山東次河洛止潼關之兵不遽取秦隴者以庫  
庫特穆爾李思齊張思道皆百戰之餘未肯遽下急  
之則併力一隅猝未易定故出其不意反旆而北燕  
都既舉然後西征張李望絕勢窮不戰而克然庫庫

特穆爾猶力抗不屈向令未下燕都驟與角力勝負未可知也已又封汪廣洋忠勤伯劉基誠意伯又封薛顯永城侯數其專質實隴州西魏置明屬鳳翔府殺之罪俾居南海今因之唐德宗濠人周德興濠人華雲龍定遠人耿炳文濠人陳德字至善濠人王志臨淮人鄭遇春濠人韓政睢人黃彬江夏人梅思祖夏邑人陸聚史未詳其鄉里餘見前

## 十二月遣官祭歷代帝王陵寢

先是遣使訪先代陵寢仍命各行省具圖以進凡七十有九禮官考其功德昭著者曰伏羲神農黃帝少昊顓頊唐堯虞舜夏禹商湯中宗高宗周文王武王成王康王漢高祖文帝景帝武帝宣帝光武明帝章帝後魏文帝隋高祖唐高祖太宗憲宗宣宗周世宗宋太祖太宗真宗仁宗孝宗理宗凡三十有六遣秘

書監丞陶誼等往修祀禮令有司禁樵採歲時祭祀  
姓用太牢明年禮臣定議合祀帝王三十五在河南  
者十陳祀伏羲商高宗孟津祀漢光武洛陽祀漢明  
帝章帝鄭祀周世宗畢祀宋太祖太宗真宗仁宗在  
山西者一滎河祀商湯在山東者二東平祀唐堯曲  
阜祀少昊在北平者三內黃祀商中宗滑祀顓頊高  
辛在湖廣者二鄆祀神農寧遠祀虞舜在浙江者二  
會稽祀夏禹宋孝宗在陝西者十五中部祀黃帝咸  
陽祀周文王武王成王康王宣王漢高帝景帝咸寧  
祀漢文帝興平祀漢武帝長安祀漢宣帝三原祀唐  
高祖醴泉祀唐太宗蒲城祀唐憲宗涇陽祀唐宣宗  
歲祭用仲春仲秋仲設陵戶二人守視已而去周宣  
王漢明帝章帝增祀媧皇于趙城後魏文帝于富平  
宋理宗于會稽元世祖于順天凡三十有六後又增  
祀隋高祖于扶風  
**質實** 孟津縣金置明屬河南府鄭  
而理宗仍罷祀 州隋置明屬開封府鞏縣漢

縣明屬河南府今皆因之榮河縣宋置元屬平陽府  
蒲州今屬蒲州府東平漢國明初府尋降州屬滑寧  
府後屬兗州府今屬泰安府內黃縣漢置明屬北平  
大名府今屬河南彰德府滑縣晉滑臺隋置州明改  
縣屬大名府今屬河南衛輝府御縣宋置明屬衛州  
府今因之寧遠縣宋置明屬永州府道州今屬永州  
府中郎縣姚秦置明屬延安府廊州今屬廊州咸陽  
縣秦置明屬西安府興平縣唐置明屬西安府三原  
縣秦置三原護軍以在清豐原孟侯原白鹿原間故  
名西魏置縣明屬西安府醴泉縣隋置明屬乾州嘉  
靖中改屬西安府今皆因之蒲城縣西魏置明屬華  
州今屬同州府涇陽縣秦邑明屬西安府今因之趙  
城縣隋置明屬平陽府今屬霍州富平縣漢置明屬  
耀州萬厯中改屬西安府扶風縣唐置明屬鳳翔府  
今皆  
因之

自正月至是日中屢有黑子詔求直言

起居注萬鎰言日者陽精而有黑子陰奸乎陽也德為陽刑為陰君子為陽小人為陰宜慎刑黜奸吏部尚書即本中言日者君象君德修則天變消河南中原民未安堵天下才俊學行之士隱于山林天之仁愛人君無所不在則人君體天心而施於政者亦當無所不用其情也

辛亥四年春正月李善長罷以汪廣洋為右丞相胡惟庸

為左丞

明祖擇賢任相  
求之甚殷劉基  
既承顧問則當  
實舉所知以副

善長貌寬和而性苛刻比進封大國意稍驕帝頗厭之以疾致仕初帝嘗以吏事責善長劉基言善長熟舊能調和諸將帝曰是數害君君乃為之地耶吾行相君矣基頓首曰是如易柱必得大木若東小木為

側席之意乃僅于所指之人各為評議且又自謝不能而以天在下何患無才惟在悉心求之二語聊且塞責使基實有所知則不宜隱躍其辭以孤厚望若無所指實又不應徒托空言世以恩及惟庸廣洋相繼敗事皆如基所料許其知人然于前席時客不能進賢助

之且立仆帝又嘗欲相楊憲憲素善基基力言不可曰憲有相才無相器夫宰相者持心如水以禮義為權衡而已不與焉者也帝曰汪廣洋何如曰福淺殆甚于憲又問胡惟庸曰譬之駕懼其債轅也帝曰然則無逾先生對曰基疾惡太甚又不耐繁劇為之且孤上恩天下何患無才惟明主悉心求之目前諸人誠未見其可及憲廣質實胡惟庸定遠人洪武三年洋惟庸皆敗如基言質實為中書省參知政事至是代廣洋為左丞

以湯和為征西將軍傅友德為征虜前將軍帥師伐蜀

先是帝遣楊璟招諭明昇令奉國入覲昇牽于羣議不能決已而帝遣使假道征雲南不奉詔其將吳友仁又數寇興元乃命將討之和帥副將軍周德興廖永忠等以京衛荆湘舟師由瞿塘趨重慶友德帥副

埋又何足稱乎

將軍顧時等以河南陝西步騎由秦質實明史明玉

隴趙成都節愈往襄陽督餉給軍

珍

隨州人

初為徐壽輝元帥襲陷成都陳友諒弒壽輝玉珍以兵塞瞿唐自立為隴蜀王至正二十二年僭位于重

慶國號夏立五年卒子昇嗣改元開熙母彭氏同聽政昇甫十歲諸大臣用事太祖遣楊璟諭使入朝不

聽徐達克興元以興旺守之吳友仁以兵三萬來攻決濠填塹達遣傅友德救之友仁乃引去友仁初為

玉珍司徒昇立自保寧移檄誅玉珍養子明昭入專國政及昇降見執帝以其寇漢中首造兵端令明氏

失國僂于市瞿唐闕在今夔州府治奉節縣城東八里重慶府南宋置元為路明復府成都秦城晉國元

路明改府襄陽三國魏置郡元路明改府今皆因之

免浙江山西被災田租



浙之紹興府諸暨縣被水山西豐州東

**質實**

豐州唐  
置後唐

改天德軍元復為州明因之後為諱達地萬厯三年  
賜名歸化城同知興縣金興州明初降縣屬太原府  
之今因

二月免太平鎮江寧國田租

帝如中都至自中都

先是建國丘方丘日月社稷山川壇及太廟于臨濠  
帝諭中書省臣曰臨濠為朕興王之地今置中都宜  
以傍近州縣通漕運者隸之

**質實**

明太祖實錄議以  
壽邱徐宿潁息光

六安信陽九州五河懷遠定遠中立蒙城霍邱英山  
宿遷睢寧碭山靈璧潁上太和固始光山豐沛蕭十

八縣悉  
隸中都

# 元平章劉益以遼東降

益為元遼陽行省平章籍所部來降詔置遼東衛指揮使司以益為指揮同知未幾元平章洪保保馬彥  
翬等殺益右丞張良佐執彥翬殺之保保走依納克  
楚者元穆呼里商孫為太平萬戶府帝拔太平獲之  
待之甚厚納克楚常鬱鬱不樂帝召諭之曰人臣各  
為其主況爾有父母妻子耶乃縱之北還據金山屢  
為邊患帝數以書諭之皆不答帝以遼陽懸絕納克  
楚未靖八年乃設遼東都指揮使司統轄諸衛命葉  
旺馬雲質實遼東秦郡元初置東京總管府改後遼陽路明洪武四年置定遼都衛八年改  
遼東都指揮使司今遼陽州屬奉天府益州唐置後  
改辰州金復元及明初因之洪武九年改衛今改益

平縣金山明史地理志遼東三萬衛西北有金山方輿紀要山東南距衛三百五十里考明三萬衛今為奉天府開原縣地金山蓋在縣邊門外葉旺六安人鎮遼陽以功與馬雲俱進都督僉事在遼十七年修城隍撫輯軍民墾田萬餘頃為永利馬雲合肥人嘉靖初以二人有功于遼命立祠祀之○納克楚舊作納哈出穆呼里舊作舊作木華黎今並改

### 三月策試天下貢士賜吳伯宗等進士及第出身有差

乙酉朔策貢士于奉天殿登第者百二十人賜吳伯宗等三名進士及第二甲十七人賜進士出身三甲百人賜同進士出身伯宗授禮部員外郎高麗入試者三人惟金濤登第

質實

此廷試之始吳伯宗

名祐以字行金谿人

誠意伯劉基致仕

帝嘗手書問天象基條答甚悉而焚其草大要言霜雪之後必有陽春今國威已立宜濟以寬大至是賜歸老于鄉

夏五月免江西浙江秋糧

六月湯和至重慶明昇降

帝之遣傅友德也密諭之曰蜀人聞我師西伐必悉精銳東守瞿塘北阻金牛若出不意直擣階文門戶既隳腹心必潰兵貴神速患不勇耳友德疾馳至陝西集諸軍聲言出金牛而潛引兵趨陳倉攀援岩石晝夜行抵階州敗其將丁世珍克其城蜀人斷白龍江橋友德修橋以渡破五里關世珍復集兵據險都

督同知汪興祖中飛石死友德攻拔文州龍州進破  
綿州龍驤衛指揮史鑑戰死將渡漢江會水漲伐木  
造戰艦欲以軍聲通瞿塘乃削木為牌數千書克階  
文龍綿日月投漢水順流下蜀守者見之皆解體初  
夏人聞大軍伐蜀丞相戴壽等果悉衆守瞿塘及聞  
友德破階文擣江油始分兵援漢州以保成都未至  
友德已破其守將向大亨于漢州城下援師至友德  
迎擊大敗之遂拔漢州帝聞湯和駐兵大溪口欲俟  
水平進師詔趣之廖文忠聞命先發兵至瞿塘阻鐵  
鎖橋不得進永忠密遣數百人持糗糧水筒舁小舟  
踰山度關出其上流蜀山多草木令將士皆衣青蓑  
衣魚貫走崖石間度已至帥精銳出墨葉渡夜五鼓  
分兩軍攻其水陸寨水軍皆以鐵裹船頭置火器而  
前黎明蜀人始覺盡銳來拒永忠已破其陸寨將士  
舁舟出江者一時並發鼓譟而下下流之師亦擁舟  
急擊上下夾攻大破之遂入夔州明日和始至乃分

分道進永忠帥舟師直搗重慶昇大懼羣下勸奔成都昇母彭泣曰成都可到亦僅延旦夕耳不如早降昇乃請降永忠以湯和未至不受越五日 and 至昇乃面縛銜壁輿櫬率官屬降于軍門和等承制撫慰之時丁世珍復臨文州指揮僉事朱顯忠千戶王均諒死之友諒調兵來援世珍遁

質實

金牛峽在

漢中府寧羌州北三十里又自沔縣西南至四川劍州之大劍關口皆曰金牛道漢中入蜀要路也階州唐置宋元因之明屬鞏昌府今甘肅直隸州文州北周置即漢陰平道也元復置州明改縣屬階州今因之陳倉縣秦置唐改寶雞縣元明及今因之屬鳳翔府白龍江橋在階州南亦曰南橋造舟為梁跨白龍江上白龍江源出鞏昌府岷州經階州文縣與白水江合五里關在文縣北龍州西魏置元屬廣元路明初仍為龍州嘉靖中升龍安府今因之綿州隋置元初屬成都路後屬漳川路明屬成都府今因之漢江

即雒水在漢州城南亦曰中水克階文龍綿日月按  
明寶錄四月丙戌克階州己丑克文州辛丑克龍州  
癸卯克綿州江油蜀漢成西蜀置縣元併入龍州明  
復置江油縣屬劍州後屬龍安府今因之漢州唐置  
元屬成都路明屬成都府今因之大溪口在夔州府  
鐵鎖橋明史明昇遣莫仁壽以鐵鎖橫斷瞿塘峽口  
又遣戴壽吳友仁等助之北倚羊角山南倚南城砦  
鑿兩崖石壁引鐵索為飛橋用木板置礮以拒守夔  
州唐置元路明改府今因之丁世珍蜀平章事後率  
餘黨犯秦州不克走宿梓潼廟中為帳下小校所殺  
汪興祖巢縣人張德勝養子追封東勝侯戴勝與向  
大亨走保成都昇降亦降至夔峽皆鑿舟自沉死朱  
顯忠如韋人裏創力戰為亂兵所殺王均諒先受夏  
主命攝禮店元帥府同知來朝授文州副千戶被執  
不屈磔死事聞鑑與  
顯忠均諒贈卹有差

秋七月傳友德下成都四川平

友德進圍成都戴壽等以象戰友德令强弩火器衝之身中流矢不退將士殊死戰突其象陣象反走躡藉死者甚衆遂降成都分兵徇州

邑克保寧執吳友仁蜀地悉定

質實

保寧唐閬州後唐置保寧

軍元為保寧府明及今因之

發明

太祖製平西蜀文盛稱友德功第一永忠次之師還受上賞而湯和以逗遛不進屢被責

諭則平蜀之功主將不得專之也故和與友德並書于綱

以方克勤知濟寧府

克勤為治以德化不喜近名曰近名必立威立威必殃民吾不忍也時詔民墾荒閬三歲乃稅吏不俟期



徵民輒棄田去克勤稅如期區田為九等以等徵發吏不得為奸立社學數百區葺孔子廟堂延名士為師弟子繫籍者二千人盛夏郡將督民築城克勤曰民方耕奈何畚鍤重困之為請中書省得罪後會天旱遂大澍濟寧人歌曰孰罷我役使君之力質實克孰活我黍使君之雨使君勿去我民父母

勤字去矜寧海人  
見明史循吏傳

### 封明昇為歸義侯

昇至京羣臣請帝御殿受俘如孟昶降宋故事帝曰昇弱幼事由臣下與昶異免其伏地待罪之儀授爵歸義侯  
賜居第

八月免中都淮陽及秦滁無為田租

質實

淮安宋州元路明改府揚州隋置元路明改府泰州南唐置元屬揚州路明屬揚州府今皆因之

振陝西饑

九月庚戌朔日有食之

設糧長

糧長督輸一鄉稅糧擇謹愿者為之未嘗不可消近時之擾然此不過鄉里小民足供使令宜宜假以顏色復因而擢用其後

帝以郡縣吏每額外徵收有司料民田以田多者為糧長督其鄉賦稅糧萬石長副各一人輸以時至得詔見語合輒蒙擢用其後官軍兌運法行糧長不復至京師在州里頗滋民害其孱弱者乃為勢豪所凌就延逋負率鬻產以償遂至隕質實官軍兌運法詳身喪家景泰中革未幾又復見後宣德四年

冬十一月免陝西河南被災田租

流弊百出貽害  
無窮實由不能  
慎之於始耳

西安鳳翔慶陽三府開封府屬祥符  
等五縣及睢州以早開詔免其田租  
質實祥符縣示  
因之為開封府治睢州金  
置明及今因之屬歸德府

### 十二月逮漢中知府費震尋釋之

震以賢良徵為吉水知州寬惠得民擢知漢中府時  
陝西旱饑漢中尤甚鄉民聚為盜震發倉粟十餘萬  
石貸民盜聞皆未歸鄰境民亦爭赴震令占宅自為  
保伍籍之得數千家秋大熟悉還前貸至是以他事  
被逮帝曰良吏也釋之以為質實  
吉水元州明改縣  
收民者勸授寶鈔局提舉屬吉安府今因之  
費震鄱陽人洪武十一年以提舉起拜戶  
部侍郎尋進尚書出為湖廣布政使致仕

壬子  
五年春正月置親王護衛指揮使司

每王府設三護衛衛設左右前後中五所所千戶二人百戶十人

**質實**

明史職官志王府護衛指

揮使司設官如京衛掌防禦非常護衛王邸有征調則聽命于朝

# 遣翰林院待制王禕使雲南被執不屈死

元梁王巴咱爾幹爾密鎮雲南大都守順帝北去王歲遣使自塞外達元帝行在執臣節如故蜀既平天下大定帝以雲南僻遠難進兵而王所遣漠北使者蘇成遣為北平守將所獲乃命禕齎詔偕成往招諭王待禕以禮會元主遣托克托徵餉雲南知禕在王所疑王有他意脅以危語王不得已出禕見之托克托欲屈禕禕叱曰天既訖汝元命燭火餘燼敢與日月爭明耶我奉使遠來豈為汝屈遂自刎梁王具衣冠**質實**明史職官志翰林院待制從五品雲南漢

斂之

西南夷滇地唐開元二十六年冊南詔蒙

歸義為雲南王天寶九載遂有雲南之地僭號大蒙  
及元滅大理至元十三年立雲南行中書省洪武十  
三年置雲南承宣布政使司今因之王禕死事在洪  
武六年十二月建文中贈翰林學士諡文節正統中  
改諡忠文巴咱爾幹爾密元世祖第五子雲南王和  
克齊之裔○巴咱爾幹爾密舊作把匝剌瓦爾密托  
克托舊作脫脫和克齊  
舊作忽哥赤今並改

### 徙陳理明昇于高麗

或告陳理明昇有怨言帝曰童孺輩言語小過不足  
問但恐為小人蠱惑將不能保始終宜處之遠方則  
隙無自生  
乃徙高麗

### 遣徐達李文忠馮勝等分道征庫庫特穆爾達軍敗績

# 文忠勝敗元兵而還

帝與諸將籌邊事徐達曰王保保出發邊境願勦絕之帝曰彼遠處絕漠以死自衛不如姑置之會諸將皆以達言為然帝乃命達為大將軍出雁門趨和林文忠為左副將軍出居庸趨應昌勝為征西將軍出金蘭趨甘肅三月達先遣都督藍玉敗庫庫特穆爾于圖拉河五月庫庫特穆爾與賀宗哲合兵拒達于嶺北達軍敗死者數萬人七月湯和至斷頭山遇敵指揮同知張存道力戰死勝至蘭州遣副將軍傅友德前驅敗元兵于必里克圖山取西京至永昌下甘州又敗元兵于和囉噶口勝復敗之索琳山拔肅州下額齊訥路次賓都山元岐王多爾濟巴勒遁去獲其平章昌嘉努等二十七人友德復追至瓜沙州斬獲甚衆文忠至臚朐河留輜重疾馳至鄂爾坤河馬中流矢指揮李傑以所乘馬授文忠而自奪敵馬乘之

文忠殊死戰遂破敵追奔至青海推牛饗士而還是後也宣寧侯曹良臣指揮使周顯張耀指揮同知常榮俱戰死獨勝全師而還

**質實**

金州金置元以龕谷縣省入明改縣今因

之屬蘭州府圖拉河源出喀爾喀鄂諾河西北圖珣爾吉嶺之西及嶺北小克特山斷頭山在明陽和衛邊外今陽城縣西北十里必里克圖山在涼州北塞外西涼宋置府元改州明改涼州衛今涼州府永昌元路明改衛今永昌縣屬涼州府甘州西魏置元甘州路明甘肅衛今甘州府和囉噶口在甘州西北索琳山在肅州北肅州唐置元路明洪武中改衛今直隸州額齊訥路漢居延故城元立總管府在甘州北一千五百里賓都山在肅州西塞外瓜州古允姓戎地唐置瓜州治晉昌元徙瓜州民于肅州明為沙州衛地今安西州沙州前涼置元沙州路明改衛今安西州燉煌縣元史地里志沙州去肅州千五百里

胸河或曰即西平河也今名克魯倫河源出克特山  
南直河套北二千里許鄂爾坤河源出喀爾喀杭愛  
山南流數百里與圖拉河合青海方輿紀要云在和  
林境元為屯田所疆胸河西為圖拉河又西為鄂爾  
坤河又西北為青海藍王定遠人存道章溢子平陽  
左衛指揮同知曹良臣追封安國公謚忠壯周顯合  
肥人驍騎左衛指揮使張耀泰州人神策衛指揮使  
常榮定遠人遇春再從弟振武衛指揮同知皆賜祭  
羹○必里克圖山舊作別力篤山和囉噶口舊作虎  
刺罕口索琳山舊作掃林山額濟訥路舊作亦集乃  
路賓都山舊作別篤山多爾濟巴勒舊作朶兒只班  
昌嘉努舊作長加奴鄂爾坤河舊作阿魯渾河青海  
舊作稱海  
今並改

以鄧愈為征南將軍討湖南廣西蠻



先是三年四月慈利土司覃崖連搆諸洞蠻為寇楊環討之崖遁入溪峒師還尋復出寇十月周德興討之拔溫陽關崖復遁去至是帝以辰澧諸蠻常梗化乃命愈往討以德興及吳良副之愈出澧州討散毛諸洞蠻德興出南寧討婪鳳安田諸州蠻良質實慈出靖州討會同五開潭溪古州諸蠻悉平之

慈利

縣隋置元升州明初復縣屬澧州今因之縣西有覃崖塞溫陽關在慈利縣西辰州隋置元路明改府今因之澧州隋置元路明初為府尋降州屬岳州府今直隸州散毛洞元置散毛誓厘等處軍民宣慰司明置宣撫司屬施州衛今施南府來鳳縣婪鳳宗羈廉州元廢地在今田州東安州元來安路明廢地在今田州西田州唐置元路明為土府嘉靖七年降州今州屬思恩府靖州宋置元路明改府洪武九年降直隸州今因之會同縣宋置元明及今因之屬靖州五開元上黎平長官司屬思州明洪武十八年置五開

衛屬湖廣永樂十一年改置黎平府屬貴州弘治十年徙府治衛南今為黎平府開泰縣地潭溪宋置長官司元明因之今司屬黎平府古州元古州八萬洞長官司明古州蠻夷長官司屬黎平府今有同知駐之按五開潭溪古州是時皆屬湖廣永樂後乃屬貴州

## 二月安南陳叔明弒其主日煙自立遣使入貢却之

叔明逼死日煙而自立懼討遣阮汝霖入貢以覲朝廷意主客部已受表主事曾魯取副封白尚書詰使者曰前王日煙今何驟更名汝霖不敢隱具言其實帝曰島夷乃狡獪如是却其貢叔明復遣使謝罪乃命以前王質實陳叔明日煙伯父按伯史傳日煙以印視事洪武四年冬被弒主客部禮部屬洪

武初設六部部各四屬亦皆稱部至二十九年各部增設所屬始俱定稱清吏司

# 置茶馬司

初令賣茶之地宣課司三十取一戶部言陝西四川  
茶宜十取其一二以易番馬從之於是諸產茶地設茶  
課司定稅額設茶馬司于秦洮河雅諸州自碶門黎  
雅抵朶甘烏斯藏行茶之地五千餘里西方諸部落  
無不以**質實**茶馬司明史職官志云茶馬司大使一  
馬售者**質實**人正九品副使一人從九品掌市馬之  
事宜課司職官志云稅課司大使一人從九品典稅  
事明初改作京官店為宣課司府州縣官店為通課  
司後改通課司為稅課司府曰司縣曰局陝西四川  
茶明太祖實錄四年十二月戶部言陝西漢中金州  
石泉漢陰平利西鄉諸處茶園四十五頃茶八十六  
萬餘株宜十取其一民所收茶官給直買之無戶茶  
園今漢中府軍士薈採官八軍二每百斤為一引五  
年二月又言四川產已茶凡四百七十七處茶戶凡

三百十五茶二百三十八萬餘株官十徵其一無戶  
茶園令人薅種十取其八皆貯以易番馬明史食貨  
志云番人嗜乳酪不得茶則病故唐宋來行以茶易  
馬法明制尤密有官茶有商茶皆貯邊易馬茶課司  
見食貨志茶法中洮州後周置元屬鞏昌路明改洮  
州衛今為廳屬鞏昌府雅州隋置元雅州屬吐番等  
處宣慰司明四川直隸州今升府黎州漢沈黎郡後  
周置黎州元屬吐番等處宣慰司明改黎州長官司  
萬厯時降千戶所今清溪縣屬雅州府碛門黎雅五  
代置碛門黎雅安撫司元置碛門魚通黎雅長河西  
寧遠等處宣撫司及天全招討司明初合為天全六  
番招討司碛門峇在雅州府榮經縣西北百五十里  
黎即黎明雅即雅州朶甘在四川徵外烏斯藏雲  
南西徵外今西藏西番諸部落明史西域傳云西番  
族種甚多自陝西四川雲南西  
徵外皆是散處河湟洮岷間

### 三月免京民役

應天府言運輸官物悉役京民帝曰京民自開國以來勞費倍于外郡今兵革漸息正當休養免其役未幾又賜京民絹戶一匹

### 以禮部主事魏觀知蘇州府

前守陳寧苛刻人呼陳烙鐵觀盡改所為明教化正風俗郡中翕然課績為天下最明年擢四川行省參政以部民乞留命還任初張士誠以蘇州舊治為宮還府治于都水行司觀以其地湫隘還治舊基又濬錦帆涇興水利或諧觀興既滅之基帝怒命御史廉其事遂被誅帝尋悔命歸葬觀與長洲高啓善為移其家郡中帝見啓所作**質實**錦帆涇在蘇州府盤門上梁文怒腰斬于市**質實**內相傳吳王錦帆以遊

金史卷一百一十五  
卷一  
故名陳寧初名  
亮賜名寧茶陵人

### 高麗國王請遣子弟入國子學

高麗國王王額遣密直同知洪師範鄭夢周等奉表  
賀平夏貢方物且請遣子弟入太學帝以涉海遠來  
離其父母令中書省諭其  
國王與羣下熟議毋勉強

### 夏四月振濟南萊州饑

山東行省言濟南萊州連年旱澇傷禾麥  
民食草實樹皮帝即命于淮安運粟振之  
濟南  
宋置府元改路明復府萊州隋置元  
仍為州明洪武九年升府今皆因之

### 詔天下行鄉飲酒禮

應天府及直隸各行省府州縣每歲孟春孟冬有司  
興學官率士大夫老者行之于學校民間里社以百  
家為一會糧長或里長主之年最長者為正賓餘以  
齒序每季行之讀律令則以刑部所編申明戒諭書  
兼讀之武職于每月朔日以大都  
督府所編戒諭書率僚佐讀之

## 六月定宮官女職

帝以漢唐宮官過多宜防女寵法將來命禮部  
議定設六局一司凡官七十五人女史十八人  
六局尚宮尚儀尚服尚食尚  
寢尚功一司宮正俱正六品

## 作鐵榜戒功臣

帝以功臣不能檢下作鐵  
榜矚目凡九以申誡之  
質實  
一內外各指揮千戶  
等不得私受公侯金

帛衣物二公侯不得私役官軍三不得強占官民場  
泊園冶四内外官軍不得于公侯門首侍立聽候五  
管莊人等不得倚勢侵奪田產財物七不得私託門下  
屬人等不得倚勢侵奪田產財物七不得私託門下  
影蔽差徭八公侯之家欺壓良善侵奪人者  
四犯與庶人同罪九不得受諸人投獻物業

### 振山東饑免被災郡縣田租

山東高唐濮二州聊城堂邑朝城等縣饑敕吏部尚  
書趙孚聖往振之又命以米六萬六千餘石振萊州  
東昌饑蠲登萊二州逋租及今年夏麥是月又命振  
慶陽府安化合水環三縣饑自五月至秋七月鳳翔  
平涼二府雨雹傷豆麥詔免其稅蘇州府崇明縣水  
詔以所報恐未盡令盡報免之八月免通州海門縣  
被水質實高唐州元置明及今因之屬東昌府濮州  
田租隋置明屬東昌府今屬曹州府聊城秦縣



元自順帝北居  
沙溪子孫相繼  
嗣位龍其故號  
雖國祚已失而

明為東昌府治堂邑縣隋置明屬東昌府今皆因之  
朝城縣唐置明屬濮州今屬曹州府東昌元路明改  
府今因之安化縣唐置明為慶陽府治合水縣唐分  
隋合水縣置環縣元環州明改縣俱屬慶陽府今皆  
因之宗明縣元州明降縣弘治中改屬太倉州今因  
之通州後周置明屬揚州府今直隸州海門縣後周  
置元明屢徙本朝康熙十一年省入通州今改設海門廳

秋八月倭寇福寧明州衛指揮僉事張億討之中流矢  
卒

倭入寇前後殺掠居民三百五十餘人焚燒廬舍千  
餘家劫官糧二百五十石張億率兵討之中流矢卒  
事聞遣使致質實福寧元升長溪縣為福寧州明  
祭卹其家初降縣後升直隸州今升府

元兵侵雲內州同知黃里死之

質實

雲內州遼置金元因之明廢為衛拉特所據今烏喇特旗西北在歸化城西三百六十里

冬十月免應天太平鎮江寧國廣德田租

月納克楚侵遼東

月詔百官奏事啟皇太子



南向出兵猶有  
興復之志譬之  
宋與金元本屬  
敵國雖稱臣稱  
姪而其北伐亦  
不得以寇書之  
也明史沿襲  
文于元兵  
寇書實為不當  
今特按金元  
相伐之例悉加  
改正庶乎情理  
平而體例允協  
三

御定資治通鑑綱目三編卷一



總校官舉人臣章維桓  
校對官編修臣吳舒帷  
謄錄監生臣龔述祖